

Dr ĐORĐE MILOVIĆ

Delikti protiv života i tijela u svjetlu propisa
Vinodolskog zakona, Kastavskog, Veprinačkog,
Trsatskog i Mosčeničkog statuta

<http://library.foi.hr>

Opći zadatak krivičnog prava u bilo kojem društvu (bez obzira na prilike i stupanj razvoja tog društva) oduvijek se sastojao u zaštiti tog određenog društva, odnosno postojećeg poretkta. Isti je slučaj morao biti i s krivičnim pravom u starohrvatskoj pravnoj oblasti (Vinodol, Rijeka, Veprinac, Kastav, Mošćenice, Trsat) u doba nastajanja i pojave Vinodolskog zakona, te Riječkog, Veprinačkog, Kastavskog, Mošćeničkog i Trsatskog statuta. Svi ovi statuti, općenito uezv, bili su odraz vremena i prilika u kojima su nastali i društva kojemu su služili. Oni su s jedne strane odražavali težnju naroda da održi i zadrži što više svojih starih prava, a s druge strane težnje zemaljskih gospodara da ta prava naroda ograniče ili barem u krajnjoj liniji kanaliziraju i potčine svojim interesima, političkim i ekonomskim. Stoga su svi ovi stari statuti nosili u sebi i znake postignutog ekvilibrija između težnji i mogućnosti naroda ovih krajeva s jedne strane i težnji i mogućnosti zemaljskih gospodara s druge strane. Pravo ovih starohrvatskih općina, kao i njihovo općinsko uređenje, bilo je samoniklo i nastajalo je vjekovima pod utjecajem narodnog shvaćanja pravde i pravice, koja su shvaćanja svoje određene oblike dobijala u okviru normi običajnog prava, koje se primjenjivalo i prenosilo s koljena na koljeno i kojim su bili regulirani svi, ili uglavnom svi, odnosi za čijim je reguliranjem tadašnje društvo u ovim starohrvatskim općinama imalo potrebe. Prelazak s običajnog na pisano pravo (tj. pojava naprijed nave-

1) Riječki statut iz 1530. godine predstavlja kompletan kodeks cjelokupnog riječkog prava toga perioda, pa je donošenjem ovog statuta u Rijeci izvršen definitivan i potpun prelaz sa običajnog na pisano pravo. Pitanje je samo da li je ovaj statut iz 1530. godine ujedno i prvi statut grada Rijeke ili je pak Rijeka i prije njega imala svoje statute pa je statut iz 1530. godine samo označio završetak jednog već ranije započetog procesa u pravcu prelaza s običajnog na pisano pravo. Kobler smatra da Rijeka nije ranije imala svoga statuta (G. Kobler: *Memorie per la storia della liburnica città di Fiume*, Fiume 1896., vol. II, pag. 124), a isto mišljenje dijeli i Gigante (S. Gigante: *Fiume nel Quattrocento*, Fiume 1913., pag. 61). Susmel, naprotiv smatra da je Rijeka imala svoje statute i ranije, ali da oni nisu bili sredeni i potvrđeni (E. Susmel: *Fiume attraverso la storia dalle origini fino ai nostri giorni*, Milano 1919., pag. 55). Dr Herkov također vjeruje da je Rijeka i ranije imala svoje statute (Dr Z. Herkov: *Statut grada Rijeke iz god. 1530.*, Zagreb 1948, str. 32). Naše je mišljenje također da je Rijeka i prije donošenja Statuta iz 1530. godine imala svoje pisano pravo, pri čemu je svejedno da li se radiло o statutima ili drugim općinskim odlukama normativnog karaktera, koje su imale snagu zakona.. A u tom pravcu postoje brojni dokazi (o ovom pitanju vidjeti detaljnije u mojoj studiji: Krivična djela protiv života i tijela u srednjovjekovnoj Rijeci, *Vjesnik Hist. arhiva u Rijeci*, sv. VI–VII, Rijeka 1961–62, str. 38–40 — i poseban otisak na istoj strani).

denih zakona i statuta) nije u ovim općinama, izuzimajući Rijeku,¹⁾ značio ujedno i konačnu sveobuhvatnu i potpunu kodifikaciju prava ovih oblasti, već je ta kodifikacija izvršena manje-više nepotpuno, vodeći računa uglavnom o tome da se kodificiraju one stare odredbe običajnog prava za koje je postojala bojazan da bi se (ukoliko se ne pristupi njihovom pismenom fiksiranju) tokom vremena mogle u praksi neovlašteno, nehotice ili zlonamjerno mijenjati, tako da je postojala mogućnost njihovog iskrivljavanja. Osim toga, potrebe vremena i prilika zahtijevale su modifikaciju nekih starih odredaba običajnog prava, a negdje i donošenje sasvim novih odredaba (bilo da one doticnu materiju po prvi put reguliraju, bilo da je reguliraju na djelomično ili sasvim drugačiji način negoli je ona do tada bila regulirana običajnim pravom). Ostali pak pravni odnosi, u čijem reguliranju nije nastupila nikakva izmjena ni modifikacija, a nije ni postojala bojazan da bi se u dogledno vrijeme običajne norme, koje su ih regulirale, mogле iskriviti ili iskvariti, ostali su i dalje u menu običajnog prava. Otuda tolike šupljine u starohrvatskom pisanim pravu odnosnog perioda za sve spomenute općine izuzev Rijeke, čiji je Statut iz 1530. godine predstavljao potpunu i kompletну kodifikaciju riječkog prava toga perioda i konačan prelaz s običajnog na pisano pravo. U svim ovim stariim kodeksima krivično-pravne odredbe zauzimale su važno mjesto (kod nekih i najglavnije), što je sasvim u skladu s njihovim osnovnim zadatkom i ciljem: da posluže zaštiti i osiguranju postojećeg poretkta. Nastojat ćemo da ovim radom, koji se odnosi na delikte protiv života i tijela, posebno za krivična djela protivpravnog lišenja života, posebno za delikte teških i lakih tjelesnih povreda, dademo pregled, analizu i upoređenja svih tih krivično-pravnih propisa, odvojeno po zakonima, odnosno statutima koje obrađujemo, da bismo tim putem došli do određenih zaključaka u pogledu mnogobrojnih pitanja koja nas interesiraju (način prilaženja i reguliranja ove krivično-pravne materije po pojedinim statutima starohrvatskih gradova i općina, sistem i obuhvatnost starohrvatskog krivičnog prava, specifičnosti po određenim važnim pitanjima iz domena općeg dijela krivičnog prava, kao što su: specifičnosti po pitanjima objekta, odnosno pasivnog subjekta krivičnog djela i njihova klasna suština, pitanje vinosti, pokušaj i kažnjavanje za pokušaj, kažnjavanje pomagača i podstrekača nužna odbrana i ostali temelji isključenja protivpravnosti, sistem kazni itd. — naravno, sve u odnosu na delikte koje obrađujemo i u okviru mogućnosti koje nam za to pružaju pozitivni propisi spomenutih statuta). Istovremeno, kod raspravljanja o određenim interesantnim pitanjima i pojavama u statutima spomenutih gradova i općina, osvrnut ćemo se i na odgovarajuće propise Riječkog statuta iz 1530. godine i način reguliranja ovih pitanja po propisima riječkog krivičnog prava spomenutog perioda.²⁾

2) Delicti protiv života i tijela po Statutu riječkom iz 1530. godine ne obuhvataju se inače ovim radom, jer je to već bio predmet moje posebne studije (Vjesnik HAR sv. VI—VII, Rijeka 1961—62, str. 5—200 i posebni otisak).

I

KRIVIČNA DJELA PROTIVPRAVNOG LIŠENJA ŽIVOTA

A) PO PROPISIMA VINODOLSKOG ZAKONA

Vinodolski zakon donesen je 6. januara 1288. godine³⁾ u Novom Gradu, na skupu kojem su prisustvovali izaslanici sa čitave teritorije koju je obuhvatala tadašnja kneževina Vinodol (Comitatus de Vinodol). Ova kneževina, pored Novog Grada u kome je bilo sjedište vinodolskih kneževa, obuhvatala je Ledenice, Bribir, Grižane, Drivenik, Hreljin, Bakar, Trsat i Grobnik. To se vidi it iz naracije Vinodolskog zakona, gdje se govori da su na tom skupu bili predstavnici svih gore navedenih teritorija i navode imena i zvanja ovih predstavnika.⁴⁾ Citirat ćemo jedan interesantan pasus iz naracije Zakona, koji glasi:

... Zač do(vo)le kr(at) videći ludi ki bludeći svojih starii(h) i (is)kušnih zakon, zato ubo edin po edinom i (vsi) ludi vinodolski želeći one stare d(obre z)akone shraniti e na puni, ke nih prvi v(sag) da su s(hran) ili neurěeni — skupiše se vs(i) na kup (tako) crikveni tako priprošći ludi sveršenim (imajuć) zdrave svet u Novom Gradu pred obrazom (t)oga istog Leonarda zgora imenovana isbraše se od vsakoga grada vinodolskoga ne vse (st(a)riji na vkup, na ke viahu, da se bole spominahu v zakonih svoih otac i od svoih ded ča bihu slišali.

I nim narediše i ukazaše tesnim zakonom da bi vse dobre, stare, iskušene zakone u Vinodol činiti Položiti v pisma, od kih bi se mogli spomenuti ili slišati od svoih otac i ded zgora rečenih, tako od sada naprid mogu se uleći bluenja te riči i nih dětca vrime ko pride, da nimaju primisala v tih zakonih ...«.⁵⁾

Ako se prihvati kao tačno ono što je rečeno u naprijed citiranom fragmentu, proizlazilo bi da je Vinodolski zakon u stvari samo popis do tada postojećeg običajnog prava. Dr Kostrenčić, međutim, nikako ne prihvata ovo gledište. On, naime, tvrdi da Vinodolski zakon ne predstavlja popis običajnog prava, a niti pak statut autonomne općine, već da spada u onu vrstu pravno-historijskih izvora kojima je bio cilj da reguliraju

3) Ovaj datum naznačen je na samom početku naracije zakona.

4) Vidi: Monumenta historico-juridica Slavorum Meridionalium, pars I, vol. IV: Statuta lingua croatica conscripta (izd., JAZU — Zagreb 1890), str. 5.

5) U danasnjem jeziku ovaj fragment bi glasio: »... Budući da su često vidjeli ljudi, koji čuvaju svoje stare i prokušane zakone, zato dakle i svaki pojedinac i svi zajedno ljudi vinodolski želeći sačuvati u cijelosti one stare dobre zakone, što su ih njihovi predci čuvali neuređene — sabraše se svi u skupštini, i crkvene i svjetovne osobe, te nakon što su se valjano posavjetovali u Novom Gradu pred obrazom gore pomenutog kneza Leonarda budu izabrani od svakoga grada vinodolskoga ali ne samo starci, nego i takovi, za koje se znalo, da se bolje sjećaju zakona svojih otaca, te onoga što su slušali od svojih djedova; i njima narediše i naložiše tačno određenim načinom: da popisu sve dobre, stare, prokušane zakone u Vinodolu, kojih bi se mogli sjetiti ili za koje su čuli od svojih otaca i djedova gore rečenih, tako da od sada unaprijed prestanu bludnje u tim stvarima, te da njihova djeca ne sumnjuju o tim zakonima ...«.

Original teksta i prijevod na današnji jezik citirani prema dru Kostrenčiću (Dr Marko Kostrenčić: Vinodolski zakon Rad JAZU — knj. 227, Zagreb 1923, str. 145 i 163).

odnose između kmetova i gospode (mada se ne radi o urbaru), dakle u istu grupu u koju spadaju i statuti: kastavski, veprinački, trsatski itd.⁶⁾ On također ne pridaje mnogo važnosti tome što se u naraciji Vinodolskog zakona spominju »stari dobri zakoni« i dr. jer smatra da se je u XIII stoljeću ovo možda isticalo s namjerom da se odnosnim propisima dade autoritet starine, dok da to samo po sebi ne znači da se zaista i radi o starim propisima.⁷⁾

Original Vinodolskog zakona nije sačuvan već postoji jedan rukopis — mlađi prijepis, koji se nalazi u Sveučilišnoj biblioteci u Zagrebu. Pisan je glagoljskim pismom, a sastoji se iz 14 listova pergamene (28 stranica), od kojih zakon zaprema samo 17 strana. Zakon inače sadrži 77 članova i kratki dodatak na kraju. Rački smatra da ovaj rukopis datira negdje s konca XV ili pak s početka XVI stoljeća.⁸⁾ R. Strohal vjeruje da potiče iz druge polovine XVI stoljeća,⁹⁾ a dr Kostrenčić smatra da nikako nije stariji od druge polovine XVI stoljeća.¹⁰⁾

Pošto Vinodolski zakon sadrži nekoliko različitih propisa o krivičnim djelima protivpravnog lišenja života, koja se djela po mnogim obilježjima međusobno razlikuju, prikazat ćemo svako odvojeno i pod posebnim naslovima.

1. Ubistvo kmeta ili nekoga od roda kmetskoga

Na ovo djelo odnosi se čl. 31 Vinodolskog zakona, koji glasi:

»Ošće: ako bi ki ubil nikoga kmeta ili od roda kmet, da bi se ne mogal čti, vpadi v osud lib(a)r 100 bližikam, onoga grada, ki e ubien, općini libri 2. Od tih libar 100 ima imiti dica ubienoga, ako ima ditcu, imaju imit polovicu, a drugi pol nega bližiki. Ta osud krivac plati. Ako ubigne, imaju nega bližike osud platit pol, a pol nega redi, ako e ima. Da ako se čti more pria ner se vražba plati vola ako e učinena naprava, budi od nega mašćeni, a nega bližiki budite prosti.«¹¹⁾

Subjekt djela u pitanju može biti bilo koje lice, a objekt (pasivii subjekt) može biti jedino kmet ili »kogod od roda kmetskoga«. Svejedno je u čemu se konkretno sastoji radnja izvršenja, pod uvjetom da je njome izazvana smrt napadnutog lica. Vrijeme, mjesto i ostale okolnosti koje posebno osvjetljavaju slučaj sasvim su bez značaja.

6) Dr Marko Kostrenčić: op. cit., str. 125.

7) Ibidem, str. 121;

O tome šta je u Vinodolskom zakonu staro, a šta novo vidjeti detaljno kod dra M. Kostrenčića: Nact historije hrvatske države i hrvatskog prava, Zagreb 1956, str. 196—202.

8) Dr Franjo Rački: Monumenta historico-juridica Slavorum Meridionalium, pars I, vol. IV: Statuta lingua croatica conscripta, str. V.

9) R. Strohal: Vjesnik zemaljskog arhiva god. 1910, str. 239.

10) Dr Marko Kostrenčić: Vinodolski zakon, str. 135.

11) Ili u današnjem jeziku:

„Ako bi tko ubio nekog kmeta ili koga od roda kmetskoga, pa ga se ne bi moglo uhvatiti, neka se osudi na kaznu od 100 libara u korist srodnika, a općini onoga grada, kômu ubijeni pripada, libre dvije. Od ovih 100 libara imaju dobiti djeca ubienoga, ako li ima djecu, polovicu, a drugu polovicu njegovi srodnici. Ovu kaznu ima platiti krivac. Pobjegne li imaju njegovi (zločinčevi) rodaci platiti polovicu osude, a polovicu njegovi naslijednici ako ih ima. Može li se (krivac) uhvatiti prije nego što se vražda plati ili ako je učinjena naprava (s rođacima), neka se vrši na njemu (tj. na zločincu) odmažda, a njegovi rodaci neka budu slobodni.“

(Tekstovi citirani prema dru M. Kostrenčiću: Vinodolski zakon, str. 150 i 168)

Subjektivnim momentima nije poklanjana nikakva pažnja kod ovog djela.¹²⁾ Stoga je sasvim svejedno o kojoj se formi vinosti radilo, tj. da li o umišljaju ili o nehatu. Od značaja su bili samo objektivni momenti: radnja izvršenja (ali bez obzira na konkretni način izvršenja), posljedica i uzročnost, te je ovo djelo stajalo uvijek kada su ispunjeni ovi elementi (naravno, uvijek pod uvjetom da se kao objekt pojavljuje kmet ili neko od roda kmetskoga), pa bez obzira na sve ostale subjektivne momente o kojima bi moralo da vodi računa moderno krivično pravo.

Po pitanju kazne propis je prilično konfuzan i zahtijeva da se njegovom tumačenju pristupi krajnje oprezno. Iz samog pak teksta proizlazi da zakonodavac poznaće sljedeće slučajevе: a) kada se počinilac ne bi mogao uhvatiti; b) kada počinilac pobjegne i c) kada se krivac uhvati prije nego se plati vražda i u slučaju sporazumijevanja s rodom počinioца.

Sasvim ispravno primjećuje dr Kostrenić da je ovaj propis moguće tačno protumačiti jedino ako se stalno ima na umu postupak koji je u to vrijeme inače i drugdje važio u slučajevima mrtve glave i vražde. Posmatrajući ovaj propis kroz tu prizmu proizlazi da se ovdje možemo sresti s tri razna slučaja:

a) Kada se krivac nakon izvršenog zločina skloni, odnosno sakrije kod svoje rodbine. Ne radi se, dakle, o slučaju kada bi počinilac pobjegao van teritorije Vinodola, nego kada se nalazi na toj teritoriji, ali se ne može pronaći (tako treba razumjeti fragmenat odredbe »... da bi se ne mogao četi...«). U tom slučaju bi počinilac preko svojih srodnika imao da plati na ime vražde 100 libara srodnicima ubijenog lica (»bližikam«),¹³⁾ a suviše 2 libre općini grada kojoj je ubijeni pripadao. Od dotičnih 100 libara vražde polovinu dobijaju djeca ubijenoga (ako ih ima), a drugu polovinu njegovi srodnici.

b) Kada počinilac pobjegne (»ubigne«) preko granice Vinodola, u kom slučaju je za vinodolske vlasti tretiran kao mrtav, pa se stoga njegova imovina smatra zaostavštinom, koju nasleduju njegovi »redi« (nasljednici). U takvim slučajevima vraždu plaćaju po pola: nasljednici počiniočevi i njegova rodbina.

c) Kada rod ubijenog lica uspije da počinioča uhvati prije negoli je plaćena vražda i stvar time okonča. U tom slučaju rod ubijenog vrši osvetu — »mašćenje«¹⁴⁾ nad ubicom, dok njegova rodbina biva slobodna od svake obaveze. Ovaj slučaj potpuno je izjednačen sa slučajem kada je između roda ubijenoga i roda ubičinog izvršena »naprava«, tj. sporazum, pri čemu rod ubičin izručuje svoga člana — ubicu rodu ubijenoga, da bi ovaj nad njim izvršio »mašćenje«.¹⁵⁾

12) Vidi dr M. Kostrenić: op. cit., str. 203.

13) »Bližikas« = rođak, srodnik (vidi V. Mažuranić: Prinosi za hrvatski pravno-povjesni rječnik, izd. JAZU – Zagreb 1908–1922, pod »bližika«).

14) »Mašćenje« = osvetu (vidi V. Mažuranić: op. cit., str. 636, pod »mašćenje«).

15) Ovo gledište zastupa i dr Kostrenić (vidi: Dr M. Kostrenić: op. cit., na strani 184, bilješka 71).

U propisu čl. 31 Vinodolskog zakona sačuvano je staro narodno shvaćanje pravde i pravice, pa je iz običajnog prava gotovo nimalo ne modificirano prenešeno u pisano pravo. Po ovom starom shvaćanju rod se pojavljuje kao zaštitnik ubijenog člana i na njemu leži obaveza da ga osveti. Knez se ovdje (za razliku od drugih slučajeva) ne pojavljuje kao čuvat pravde, već to pravo i obavezu ima rod ubijenog. Radi toga knez u ovim slučajevima ništa i ne dobija od kazne. Općina, i u onim slučajevima gdje učestvuje u dobiti od kazni, to čini više simbolično (sa 2 libre naprama 100 libara).

U slučajevima navedenim naprijed pod »a« i »b« kazne imaju istovremeno javni i privatni karakter. Naime, privatni karakter imala bi vražda, koja se sastoji u plaćanju 100 libara (50 djeci, a 50 rodu ubijenog lica). Javni karakter imala bi ona dodatna kazna od 2 libre, koja ide u korist općine grada kojemu je ubijeni pripadao. U slučaju pak navedenom pod »c« nemamo nikakve javne kazne, već jedino »mašćenje«, što je privatna stvar roda ubijenog lica.

Postoji ogromna razlika između ovog krivičnog djela (po čl. 31 Vinodolskog zakona) i krivičnih djela protivpravnog lišenja života običnih građana po propisima Statuta grada Rijeke iz 1530. godine. Najveća razlika stoji po pitanju vinosti. Tako, dok Vinodolski zakon kod izloženog djela ne poznaje uopće diobu vinosti na dolus i culpa, niti u tom pogledu obraća makar kakvu pažnju, dотле Statut riječki iz 1530. god. baš kod djela ove vrste poklanja obliku vinosti veliku pažnju i po ovim pitanjima se jako mnogo približava shvaćanjima modernog krivičnog prava. Tako, kod djela umorstva¹⁶⁾ propis izričito zahtijeva da je djelo počinjeno „... dolose ut appensate, aut proditorie ...“, kod ubistva iz koristoljublja¹⁷⁾ i kod ubistva iz osvete¹⁸⁾ umišljaj se jasno podrazumijeva, kod ubistva iz nehatia¹⁹⁾ djelo je moglo biti počinjeno samo nehatno (... si quis aliquo fortuito casu et non praemeditate ...) itd., itd.

Postoji tako velika razlika i po drugim pitanjima, naročito po pitanju kazni. Istina je da ni Statut riječki iz 1530. god. nije premnogo otiašao naprijed u modernizaciji sistema kazni (jer i on prihvata sistem okrutnih tjelesnih kazni, zatim u masi slučajeva prečutno prihvata princip taliona (oko za oko, Zub za Zub), ali on u tom pravcu nije ni mogao napraviti vratolomni skok naprijed, jer je bio vezan za vrijeme u kojemu je nikao, a to je početak XVI stoljeća, koje obiluje surovim kaznama. Ipak u njemu se nigdje ne sreća »vražda« ili »pravo mašćenja«, kao što je to slučaj s Vinodolskim zakonom, a kazna uglavnom uvijek ima javno-pravni karakter. To je ipak bio ogromni napredak, koji je ipso facto morao da poruši svaku osjetniju vezu s nekadašnjim kaznenim sistemima, kakav je na primjer bio onaj u Vinodolskom zakonu. Otuda, mada se radi o istom pravnom području (starohrvatska pravna oblast), po pitanju kazni između ova dva stara kodeksa postoji tako velika razlika.²⁰⁾

2. Ubistvo podknežina, permana ili sluge kućne družine kneževe

Na ovo djelo odnose se propisi čl. 29 Vinodolskog zakona, koji glasi:

»Iošće: ako bi ki ubil od podknežinov ili od slug od obiteli kućne g(ospo)dina kneza, od permanov, ter bi ušal i ne mogal se ēti, da knez vazme vražbu, to e zagovor vrnezi kakov i kolik bude otil; zverhu plemena zlotvorca koliko za polovicu, zač pleme ni držano nere od pol, a zločinac drugi pol. Da ako se ēme ta zlotvorac š nega ima ta isti knez ili niki

16) Vidjeti u mojoj studiji: Krivična djela protiv života i tijela u srednjovjekovnoj Rijeci. Vjesnik HAR, sv. VI—VII (i posebni otisak), str. 81—92.

17) Ibidem, str. 92—93.

18) Ibidem, str. 94—99.

19) Ibidem, str. 103.

20) Ibidem, str. 71—81.

mesto nega učiniti ko godi mašćeni bude hotil, a nega pleme niše se nebosuje«.²¹⁾

Subjekt kod delikta u pitanju može biti bilo koja osoba. No, objektom (pasivnim subjektom) može biti jedino podknežin,²²⁾ neki od sluga kneževe obitelji ili perman.²³⁾

Što se tiče samog učina, sasvim je irelevantno u čemu se konkretno sastojala radnja izvršenja (način izvršenja ubistva). To isto vrijedi i u pogledu vremena, mesta i svih ostalih okolnosti koje posebno osvjetljavaju slučaj, no pod uslovom da je dotična radnja prouzrokovala smrt napadnutog.

Pošto se subjektivnim momentima kod ovog delikta nije poklanjala nikakova pažnja, sasvim je bez značaja okolnost da li je djelo počinjeno kulpozno ili dolozno.

U pogledu kazne kod ovog delikta postoji mogućnost dviju situacija, od kojih svaku treba posebno i pažljivo razmotriti:

a) Kada je izvršilac delikta uhvaćen, u kom slučaju kazna se sastoji u »mašćenju« (osveti), koju nad ubicom vrši knez²⁴⁾ ili neko drugi (njegov punomoćnik, zamjenik) u njegovo ime. U čemu se »mašćenje« sastoji propisom nije precizirano, već je to ostavljeno na slobodnu odluku onome ko mašćenje vrši (knezu ili licu koje mašćenje vrši u kneževu ime). To proizlazi iz izrične odredbe »...ko godi mašćeni bude hotil...«. U takvom slučaju počiniočeve pleme ne podvrgava se nikakvoj odgovornosti (»...a nega pleme niše se nebosuje«).

b) Kada bi nakon izvršenog djela izvršilac pobjegao, tako da ga se ne bi moglo više uhvatiti. Na ovom mjestu moramo se zadržati znatno duže, jer je odredba o kazni kod ovog slučaja vrlo konfuzna i postoji mogućnost da je kod prepisa ovog rukopisa Vinodolskog zakona napravljena izvjesna greška u zakonskom tekstu i to u onom dijelu gdje se kaže »...da knez vazme vražbu, to e zagovor vrnezi kakov i kolik буде отил...«. Naime, treba odvojiti pojmove »vražbu«²⁵⁾ i »zagovor«,²⁶⁾ pa dok u odredbi koja knezu ostavlja pravo da uzima u takvim slučajevima zagovor kakav hoće ne nalazimo ničeg neobičnog, odredba pak da knez može uzeti i vražbu koliku hoće bila bi nešto manje shvatljiva, jer se tako šta ne nalazi propisano nigdje drugdje, niti u Vinodolskom zakonu, niti pak u kojem drugom statutu susjednih gradova i općina. Ovim pitanjem

21) Ili u današnjem jeziku:

»Ako bi tko ubio podknežinu ili koga slugu od kućne družine gospodina kneza ili permana, a pobegao bi, da ga se ne bi moglo uhvatiti, neka knez uzme vraždu, to jest zagovor kakov i kolik bude htio. Od pleme (može uzeti u ime vražde) samo polovicu, jer pleme nema platiti nego polovicu, a zločinac drugu polovicu. Bude li taj zločinac uhvaćen, tma na njemu taj isti knez ili netko u njegovu ime vršiti kakovu god odmazdu hoće, no njegovo (zločinčovo) se pleme nikako ne osuđuje.«

(Tekstovi citirani po dru Kostrenčiću; op. cit., str. 149 i 168)

22) Podknežin je u Vinodolu isto što i kapetan u Rijeci, tj. predstavnik zemaljskog gospodara (vidi: dr Zlatko Herkov: Statut grada Rijeke, str. 48—49, bilješka 13).

23) Permani ili prmani bili su lični kneževi službenici (vidi dr Marko Kostrenčić: op. cit., na str. 178, bilješka 27).

24) Sudsku vlast je u Vinodolu vršio knez. O tome govori izrično i čl. 40 Vinodolskog zakona.

25) »Vražba« = vražđa.

26) Za »zagovore« dr Kostrenčića kaže da je to »konvencionalna kazna kojom se nastojalo prisiliti stranke, da uzdrže jedno postojeće pravno stanje« (vidi dr M. Kostrenčić: op. cit., na str. 183 — bilješka 66). Po Mažuraniću »zagovor« označava: »zavjet, zavjetovanje..., svećano obećanje pred sudom, da se stranka, ako poreče, podvrgava kazni« (vidi Mažuranić: Prinosi za hrvatski pravno-povjesni rječnik, na str. 1635, pod »zagovore«).

se bavi i dr Kostrenčić, pa kaže da kod tumačenja ovog propisa postoje dvije mogućnosti. Jedna bi bila u tome da se smisao teksta shvati onako kako to neposredno proizlazi iz njegove stilizacije, to jest da je knez u takvim slučajevima mogao da određuje ne samo zagovor već i vraždu kakvu i koliku bi htio. Druga mogućnost bila bi u tome što bi izraz »to e« trebalo shvatiti kao »t(ak)oe«, što bi izmijenilo smisao teksta ovog fragmента, a koji bi tada (prema današnjem jeziku) glasio: »...neka knez uzme vraždu i zagovor kakav i koliko bude htio...« pri čemu bi se tekst »kakav i koliko bude htio« odnosio samo na zagovor. Dalje, po mišljenju dra Konstrenčića, vražda koju je knez imao uzeti ne bi imala iznosi više negoli je to predviđeno za slučajeve iz čl. 31 Vinodolskog zakona.²⁷⁾ Posebno je pitanje koja je od ovih dviju varijanata tačna, jer mada se na prvi pogled čini da je ova druga varijanta lakše prihvatljiva, smatramo da i ona prva ima svojih opravdanja, pa ćemo stoga posebno razmotriti ovo pitanje. Ako bi se prihvatile prva pretpostavka, tada bi visina vražde zavisila od kneževe volje, što bi praktično značilo da u tom pogledu nije postojalo objektivno propisane granice. Stoga bi takva kazna bila mnogo oštija od kazne (vražde) propisane za ubistvo kmeta. No, kada se uzme u obzir da se ovdje baš radi o kvalificiranim objektima, koji su posebno i mnogo jače zaštićeni, onda bi bilo i sasvim logično da je kazna za ova djela morala biti znatno oštija od kazne za djelo ubistva kmeta. Ova okolnost, kao i sama stilizacija teksta člana 29 Vinodolskog zakona (uzeta ad literam i bez ispravke), govorila bi u prilog prve pretpostavke. Mi se stoga odlučujemo baš za ovakvo tumačenje člana 29 V. Z, jer nam se čini sigurnijim, vjerojatnijim i mnogo logičnijim.

Glede isplate dotične vražde i kod ovog slučaja imamo ograničenu solidarnost plemena (dok počinilac plaća polovinu vražde, njegovo pleme ima da plati drugu polovinu).

Jedina sličnost između ovog krivičnog djela i delikata protivpravnog lišenja života iz rub. 15—lib. III Riječkog statuta (misli se na sva djela protivpravnog lišenja života izvršena nad kvalificiranim objektima) leži u tome što se i kod djela iz čl. 29 Vinodolskog zakona, kao i kod onih iz rub. 15—lib. III Riječkog statuta, radi o kvalificiranim objektima, koji su jače zaštićeni od drugih, tj. kod kojih je za ubistvo predvidena oštira kazna nego za ubistva izvršena nad običnim ljudima.²⁸⁾ Ni po čemu drugo među ovim deliktima nema izrazite sličnosti, a pogotovo ne po pitanju kazne. Naime, dok je za djelo iz čl. 29 Vinodolskog zakona za kaznu propisana vražda, dotle je za djela iz rub. 15—lib. III Riječkog statuta propisana smrtna kazna odsijecanja glave (kao glavna) i potpuna ili djelomična konfiskacija imovine (kao sporedna kazna). Na prvi pogled bi izgledalo da u pogledu kazne kod svih ovih djela izvjesnu sponu predstavlja imovinski momenat izražen kod jednih u formi vražde, a kod drugih u formi konfiskacije imovine (iako sporedne kazne), što bi i u jednom i u drugom slučaju imalo da predstavlja jednu vrst obeštećenja. No, ovdje treba imati na umu okolnost da se radi o dvije sasvim razli-

27) O ovome vidjeti: dr M. Kostrenčić, op. cit., na str. 183 — bilješka 66.

28) Vidi u mojoj ranije spomenutoj studiji na str. 105—106 i 111—115

čite vrste kazni, tako da o nekoj sličnosti ne može biti ni govora. Naime, ako daleko porijeklo konfiskacije imovine, kao i novčane kazne, i potiče od nekadašnje vražde, evolutivni put koji je između njih tokom vremena pređen toliki je i takav da se o nekoj sličnosti među njima ne može govoriti. Međutim, dok su propisi Riječkog statuta u odnosu na krivična djela s kvalificiranim objektima neuporedivi s odgovarajućim propisima Vinodolskog zakona, kao zajedničko kod jednih i kod drugih pojavljuje se jedino interes vladajuće klase, koji je koncem XIII stoljeća u Vinodolu, isto kao i u prvoj polovini XVI stoljeća u Rijeci, diktirao potrebu donošenja posebnih propisa (u Vinodolskom zakonu čl. 29, a u Riječkom statutu rub. 15-lib. III³), kojim se određuje znatno oštija krivično-pravna represija za počinioce određenih delikata nad kvalificiranim objektima. Drugo čega zajedničkog među ovim propisima nema. Razlike pak među njima proističu iz slijedećeg.

Razlika po pitanju vinosti (po Riječkom statutu za djelo ubistva kapetana ili vikarija traži se umišljaj, dok čl. 29 V. Z. kod dotičnog delikta ne poklanja uopće nikakvu pažnju bilo kojim subjektivnim momentima) proističe iz okolnosti što se u starohrvatskom krivičnom pravu seubjektivnim momentima počela poklanjati pažnja vremenski mnogo kasnije, poslije donošenja Vinodolskog zakona, pa po tom određenom pitanju i Vinodolski zakon i Riječki statut nose obilježja vremena u kome su ponikli. Razlika u vrstama kazni potiče iz istih razloga. Osveta i vražda historijski se javljaju mnogo ranije negoli sistem kazni koje predviđa riječko krivično pravo. Zato nije nimalo čudno da one vrste kazni koje za slične slučajeve poznaje Vinodolski zakon koncem XIII stoljeća više ne prihvata Riječki statut iz XVI stoljeća, koji je na putu ka modernizaciji svog kaznenog sistema jako mnogo i daleko odmakao od starog Vinodolskog zakona.

3. Zasjedanje podknežinu, službenicima ili permanima

Djelu zasjedanja podknežinu, službenicima ili permanima posvećen je jedan fragment člana 30 Vinodolskog zakona.²⁹⁾

U konkretnom slučaju bi se u stvari radilo samo o predhodnim radnjama usmjerenim ka izvršenju ubistva (ili kakvog drugog delikta protiv tijela) — dakle, o pripremnim radnjama. No dotične radnje ovdje predstavljaju samostalno krivično djelo.³⁰⁾ U srednjem vijeku, kada je u krivično pravo tek počelo polagano da prodire shvatanje subjektivnih momenata, počeli su se pojavljivati slučajevi normiranja kažnjivosti za pokušaj ili čak i za pripremne radnje pojedinih težih krivičnih djela. No, razumije se, nije se radilo o normi koja bi pitanje kažnjivosti za pokušaj

29) Dotični fragmet u originalu glasi: »Iošće: ako ki učini zasedanje od rečenih podknežinov ili služabnici ili perman, ter se more pokazati podobnimi svedoci, plati knezu libar 50...« Ili u današnjem jeziku: »Zasjedne li tko rečenim podknežinima ili službenicima ili permanima, te se to može dokazati posebnim svjedovima, ima platiti knezu 50 libara...« (Tekstovi citirani po dr Kostreniću: op. cit., str. 150 i 168).

30) I u današnjim modernim krivičnim pravima ima slučajeva da se pojedine pripremne radnje, ili pak radnje koje bi u stvari činile pokušaj nekog krivičnog djela (obično se radi o političkim deliktima), predvide kao posebno krivično djelo.

ili za pripremne radnje načelno regulirala (krivično-pravna teorija toga vremena nije još bila dostigla toliki stupanj razvoja da bi ova pitanja mogla teoretski ispravno da postavi), nego su se pojedini slučajevi pokušaja ili pripremnih radnji odvajali i posebno regulirali, tako da su dotični učini predstavljali posebna krivična djela.³¹) Isti je slučaj i s ovim krivičnim djelom. Stoga, pošto je Vinodolski zakon ovaj učin smatrao posebnim deliktom, moramo ga ovdje i mi posmotriti kao takovog.

Subjektom ovog krivičnog djela može biti bilo koje lice, a objektom (pasivnim subjektom) — prema slovu zakona — mogu biti: podknežin, službenici ili permani. U stvari, kod ovog delikta objektom mogu biti ona ista lica koja i kod djela iz čl. 29 Vinodolskog zakona. Ovo jasno proizlazi iz fragmenta samog zakonskog teksta, koji kaže »... od rečenih...«. Dakle, pošto su ovi objekti već spomenuti u prethodnom čl. 29 V. Z., to ih slijedeći čl. 30 smatra »rečenim«. Iz toga bi dalje proizlazilo da je izraz »služabnici« u čl. 30 Vinodolskog zakona potrebno razumjeti isto kako smo ranije u članu 29 Vinodolskog zakona shvatili izraz »slug od obiteli gospod(i)na kneza«.

Radnja izvršenja sastoji se u »zasjedanju« i djelo je svršeno u momentu kad je počinilac učinio zasjedu, bez obzira da li se na tome samom i svršilo ili je pak poslije toga uslijedila i kakva druga akcija.³²⁾ Kao posljedica podrazumijeva se latentna opasnost po život ili tijelo »podknežina, službenika ili permana«, koja nastupa u momentu kad je izvršeno »zasjedanje«.

Kod ovog krivičnog djela samo po sebi se podrazumijeva da se djelo može izvršiti samo dolozno. U propisu se to ne navodi izrično, ali to nedvojbeno proističe iz prirode samog djela. To je ujedno jedan od rijetkih primjera gdje Vinodolski zakon (makar i prečutno) traži umišljaj kao formu vinosti. U ovom slučaju (kad se radi o čl. 30 V. Z.) po prirodi stvari samo po sebi se razumije da ne bi moglo biti nikakvog kažnjivog djela ako ne bi bilo dolusa. Stoga je u ovom slučaju interes knežev zahtijeva oslanjanje na subjektivni momenat, jer je to bio način da se bolje zaštite kneževi službenici, a samim tim i njegovi interesi.³³⁾ No bilo kako bilo, to je ipak značilo početak prodiranja shvaćanja o subjektivnim momenatima u krivičnom pravu ove starohrvatske pravne oblasti. Razumije se da pitanje vinosti time još nije prečišćeno, čak ni načeto u potpunosti, ni u teoretskom ni u praktičnom smislu. Ipak su to sve bile klice koje će se kasnije, pod utjecajem suvremenijih i modernijih pravnih shvaćanja, koja je sobom donijela renesansa i krivično-pravna teorija XV i XVI stoljeća (većinom talijanskih pravnih teoretičara, a pored njih i drugih) razviti postepeno do modernog shvaćanja vinosti.

Kazna je za ovo djelo novčana i iznosi 50 libara, koje je okrivljeni imao platiti knezu.

31) O ovome detaljnije vidjeti: dr Josip Šilović: Pokušaj u hrvatskom kaznenom pravu, Rad JAZU, knj. 209, Zagreb 1915, na str. 1.

32) Ono što bi eventualno poslije toga slijedilo moglo bi predstavljati posebno krivično djelo. Tako, na primjer, ako bi dotični počinilac iz zasjede fizički napao nekoga od spomenutih lica (koja se mogu pojaviti kao objekt ovog krivičnog djela) tada bi, pored ovog djela, stajalo još i djelo lake ili teške tjelesne povrede nanesene podknežinu, službeniku ili permanu, koja su djela normirana u istom čl. 30 Vinodolskog zakona, odmah ispod teksta koji se odnosi na djelo »zasjedanja«.

33) O ovome vidjeti dr M. Kostrenčić: op. cit., str. 203.

U krivičnom pravu Riječkog statuta iz 1530. god. ne nalazimo sličnog krivičnog djela. Možda bi na prvi pogled izgledalo da bi bilo neke sličnosti između ovog djela i krivičnog djela dolaska u Rijeku radi vršenja ubistva iz rub. 7-lib. III Riječkog statuta.³⁴⁾ No kada se malo bolje razmotre propisi za oba djela vidi se da sličnosti u tom pogledu ne može biti. Prije svega, razlika je u objektu. Nadalje, djelo iz čl. 30 Vinodolskog zakona predstavlja u stvari pripremnu radnju za ubistvo, dok za djelo iz rub 7-lib. III Riječkog statuta o kome je riječ samo na prvi pogled izgleda da predstavlja pripremne radnje. U stvari, tu se ne radi o pripremnim radnjama nego o pokušaju, jer se za kompletiranje bića ovog krivičnog djela ne traži samo da je počinilac došao u Rijeku radi izvršenja ubistva (»*Sed si venerit ad terram fluminis seu districtum causa aliquem interficiendi...*«), nego se traži da je ubistvo i pokušalo, ali da ga nije dovršio (»... et illud maleficium quod attentaverit non perfecerit ...«). Dakle, kod ovog djela i po ovom pitanju imamo sasvim drugačiju situaciju negoli kod djela »zasjedanja« iz čl. 30 Vinodolskog zakona. Najzad, razlike su među njima i u svemu ostalom (način izvršenja, vrsta i mjera kazne i dr.), tako da se o kakvoj sličnosti ne može ni govoriti.

4. Isključenje protivpravnosti kod ubistva

Na ovo pitanje odnosi se propis čl. 71. Vinodolskog zakona, koji glasi:

»Iošće: ako razboinika zvrhu moe škodi naidu v noći, to est mne škodi čineć, ter nega živa ne mogu ēti vola da ga ne znam, da bim vidil od česa se tužiti, a nega ubiju: u niednoi riči nimam se osuditi, ni suprotiv nemozi nigdore mne poiti vola priti«.³⁵⁾

Gornji propis govori o isključenju protivpravnosti (dakle: i kažnjivosti) kod ubistva koje bi neko izvršio našavši se u specijalnoj situaciji o kojoj ovaj propis govori. Naime, da bi — na temelju ovog propisa — u nekom konkretnom slučaju protivpravnost djelanja kod ubistva bila isključena potrebno je da se steknu slijedeći uslovi: da je ubistvo izvršeno nad »razbojnikom«, koga počinilac otkrije noću da mu čini štetu, a ako ga pri tom ne može uhvatiti, da bi znao koga ima da tuži.

Nije baš lako utvrditi pravi karakter ovog temelja isključenja protivpravnosti. Dr Kostrenić smatra da se u ovom slučaju protivpravnost isključuje po osnovu nužne odbrane u pogledu imovine.³⁶⁾ Po našem mišljenju ova konstatacija nije nimalo sigurna i rekli bismo da ovdje ne bi mogla da stoji. Radi razjašnjenja situacije postavlja se pitanje: da li bi bilo nužne odbrane u pogledu imovine u slučaju kada bi, na primjer, razbojnik počinio neku štetu i kada bi u momentu nailaska vlasnika, koji

34) Vidjeti o ovom djelu u spomenutoj mojoj studiji »Krivična djela protiv života i tijela u srednjovjekovnoj Rijeci«, na str. 99—103.

35) Ili u današnjem jeziku:

»Nadem li razbojnika noću u mojoj škodi, tj. gdje mi štetu čini, te ga živa ne mogu uhvatiti, e bi znao koga imam tužiti — pa ga ubijem, nemam biti nikako osuđen, te protiv mene nitko ne može ustati ili me tužiti«.

(Tekstovi citirani po dr M. Kostreniću: op. cit., str. 156 i 175).

36) Dr M. Kostrenić: op. cit., str. 204.

ga ubija, već bio u bjekstvu (a to su baš tipični slučajevi na koje se ovaj propis odnosi)? Za postojanje nužne odbrane ovdje bi nedostajala istovremenost (jer je šteta počinjena prije, a ubistvo kasnije), a također ne bi se radilo o odbijanju napada, pošto je — u konkretnom slučaju kojeg smo uzeli za primer — napad već ranije bio prestao i napadač je u momentu ubistva već bio u bjekstvu. Po našem mišljenju temelj isključenja protivpravnosti u konkretnom slučaju ne leži u nužnoj odbrani u pogledu imovine, već je to pravo počiniocu dato iz čisto procesualnih razloga.³⁷⁾ Naime, izvršilac je takovo ubistvo mogao nekažnjeno počiniti jedino u slučaju kada na drugi način nije mogao (ili ne bi mogao) sazнати ko je dotični »razbojnik« koji mu je štetu počinio, da bi ga mogao tužiti i od njega, odnosno iz njegove zaostavštine, dobiti obeštećenje. Ubistvo se ovdje, dakle, ne vrši u cilju odbijanja protivpravnog istovremenog napada na svoju imovin, nu oge u cilju osiguranja procesualnih mogućnosti za postignuće obeštećenja.

Posmatrajući dotično pravo kao pravo nužne odbrane, dr Kostrenčić smatra da se možda ne bi pogriješilo, ako bi se iz ovog propisa argumento a maiore ad minus izveo zaključak da je napadnuto lice imalo tim više pravo nužne odbrane u pogledu lica koje njega lično napadne. Kod ovakvih pretpostavki svakako je potrebna maksimalna obazrivost i to iz više razloga. Prije svega, ako bi se ova mogućnost prihvatile kao činjenica, došlo bi se u situaciju da se zaključi da je Vinodolski zakon još u 1288. godini poznavao i prihvatao pravo nužne odbrane i to vrlo široko i temeljno. Ovakova konstatacija, međutim, ne bi nikako mogla da stoji. To u prvom redu zbog toga što o nužnoj odbrani ne nalazimo nigdje izričitog spomena u Vinodolskom zakonu, dok u propisu čl. 71 nalazimo nešto što se po našem mišljenju niti ne bi moglo shvatiti kao prava nužna odbrana. No kada bi se to na koncu konca i shvatilo kao neka posebno specifična vrsta nužne odbrane, onda bi ta specifičnost ipak bila toliko naglašena da bi pravi karakter nužne odbrane bio jako deformiran. Tačnije rečeno to bi predstavljalo samo nebulozne začetke iz kojih su protekla stoljeća kasnije iskristalizirala pojам nužne odbrane onako kako ga danas shvaća moderno krivično pravo. Najzad, i krivično pravo Riječkog statuta iz 1530. godine (dakle punih 242 godine kasnije), iako zaista poznaje nužnu odbranu, ipak ju priznaje samo u određenim slučajevima,³⁸⁾ a ne načelno i za sve slučajeve gdje bi joj inače moglo biti mesta po shvaćanju modernog krivičnog prava. Kada se uzme u obzir, s jedne strane: vrijeme kada je Vinodolski zakon donesen (1288. god.) i stanje pravne svijesti u to doba, gledanje običajnog prava ove oblasti na ta i takva pitanja, nivo krivično-pravne teorije i dr, a s druge strane te iste okolnosti u vrijeme donošenja Riječkog statuta iz 1530. godine,³⁹⁾ tada se zaista ne bi moglo ni pretpostaviti da je po nekom pitanju tako delikatnom, kao što je pravo nužne odbrane, Vinodolski zakon bio napredniji negoli Riječki statut.

37) Dr D. Kostrenčić se također slaže da su procesualne svrhe diktirale ovu odredbu (Dr M. Kostrenčić: op. cit., str. 204).

38) Vidi o tome u spomenutoj mojoj radnji, na str. 65—70.

39) U to vrijeme je renesansa i u domenu prava i krivično-pravne teorije donijela sobom ogroman progres.

B) PO PROPISIMA KASTAVSKOG STATUTA

Kastavski statut donešen je 1490. godine.⁴⁰⁾ Prepis ovog statuta sačinio je 1845. godine Mijat Sabljar držeći se jednog rukopisa iz 1759. godine (prepis tadašnjeg kancelara Kastavske kapetanije Tomičića).⁴¹⁾

Mi ćemo se, kod izlaganja i obrade propisa Kastavskog statuta, držati teksta koji je dao dr Franjo Rački u *Monumenta historico-juridica Slavorum Meridionalium*, pars I, vol. IV: *Statuta lingua croatica conscripta*, na str. 181 do 207. Za ovaj tekst dr Fr. Rački kaže da ga je sastavio držeći se naprijed spomenutog prepisa Mijata Sabljara, pri čemu je pismo prilagodio tadašnjem pravopisu (konac XIX stoljeća). No pošto je postojao i jedan talijanski prepis Kastavskog statuta, to je dr Rački pri izradi teksta svoga prepisa vodio računa i o ovom talijanskom prevodu (koji je navodno bio sačinjen prema jednom rukopisu iz XVI stoljeća), pa se i u objašnjenjima pojedinih teže razumljivih izraza iz statutarnog teksta poslužio izrazima koje je talijanski tekst upotrebljavao.

U doba donošenja Kastavskog statuta od 1490. godine Kastav se nalazio u Posjedu Fridrika III Habzburškog.⁴²⁾ Dr Fr. Rački smatra da je baš ova promjena vlastele (budući je nešto prije toga Kastav prešao iz ruke porodice Walsee u ruke Habzburgovaca) navela Kastavsku općinu da kodificira svoje dotadašnje pravo. On također tvrdi da je Kastavski statut, mada je donešen za vrijeme Fridrika III, po pojedinim svojim ustanovama stariji čak od 1400. godine, te da on sadrži u stvari stare pravne običaje, koji su tada tek kodificirani.⁴³⁾

Kada je riječ o Kastavskom statutu treba imati na umu da su samo prvih 57 kapitula sačinjene 1490. godine, dok su sve ostale kapitule (počev od 58. pa do 73. kapitule) donesene u rakdoblju od 1546. do 1614. godine. Što se tiče statutarnih tekstova sa zakonskom snagom, oni svršavaju sa 73. kapitolom. Iza toga slijedi dodatak, koji sadrži općinske zaključke iz razdoblja od 1647. pa do 1652. godine.

Statut kastavski — mada sadrži izvjesne odredbe o nekim drugim krivičnim djelima protiv života i tijela, o čemu će posebno biti riječi kasnije — ne sadrži uopće nikakvog propisa koji bi se odnosio na protivpravno lišenje života. Otvoreno je pitanje zbog čega zapravo postoji ova praznina u Statutu. Moguće je da je pitanje kažnjavanja za ubistvo bilo regulirano običajnim normama koje su se toliko poštivale i smatrале prirodnim da se je držalo nepotrebnim njihovo popisivanje i unošenje u kodeks pisanog prava. Ovo kao najvjerojatnije. No, moglo je biti, eventualno, i kakvih drugih razloga, koji nama danas nisu poznati. Bilo kako bilo, pošto se naša izlaganja u ovom radu temelje isključivo na pisanim pravu, a pošto u konkretnom slučaju Kastavski statut dotičnog propisa

40) Vidi *Monumenta historico-juridica Slavorum Meridionalium*, pars I, vol. IV: *Statuta lingua croatica conscripta*, izd. JAZU, Zagreb 1890., na str. LXXV—LXXVI i bilješke na str. 181.

41) Ibidem, str. LXXIV.

42) Ibidem, str. LXXV. Kastav je predat Fridriku III Habzburškom od strane Ramberta Walsee (mlađeg) kada i Rijeka i cijeli posjed u Istri i Krasu. Vidi u spomenutoj mojoj studiji na str. 7—12 i tamo navedenu literaturu.

43) *Monumenta historico-juridica Statuta lingua croatica conscripta*, str. LXXVI.

nije imao, nije nam ni moguće na ovom mjestu dotični delikt obraditi, a sljedstveno tome niti vršiti potrebna upoređenja s odgovarajućim propisima Riječkog statuta.

C) PO PROPISIMA VEPRINAČKOG STATUTA

Veprinački statut donesen je 1507. godine. Iz uvoda samog Statuta proizilazilo bi da ovaj statut predstavlja u stvari popisivanje starih pravnih običaja, odnosno prelaz s običajnog na pisano pravo.⁴⁴⁾ No nije, naravno, isključeno da je u Statut uneseno i nešto novih propisa, pa bilo da se oni javljaju kao potpuno novi, bilo kao manja ili veća modifikacija starih.

Kod izlaganja i obrade propisa Veprinačkog statuta mi ćemo se služiti tekstom koji je dao dr Franjo Rački u Monumenta historico-juridica Slavorum Meridionalium, pars I, vol. IV: Statuta lingua croatica conscripta, na str. 211 do 216. Za ovaj tekst dr Fr. Rački kaže da ga je sastavio držeći se glagolske matice, a služeći se Volčićevom transkripcijom samo na onim mjestima gdje mu je to bilo potrebno da dopuni glagolske tekstove, koji nedostaju uslijed toga što je glagolska matica mjestimice oštećena.⁴⁵⁾

Za odredbe Veprinačkog statuta dr Fr. Rački kaže da su one znatno starije od 1507. godine, jer su sačinjene po kazivanju staraca koji su tada imali od 70 do 100 godina starosti.⁴⁶⁾ No, u svakom slučaju, mada su dotične odredbe (ovakove ili nešto drugačije) i do tada živjele u narodu kao običajno pravo, ipak ih tek od 1507. godine imamo kao pozitivno-pravne propise Veprinca (pisano pravo).

Veprinački statut iz 1507. godine ima samo jednu jedinu odredbu koja se odnosi na krivično djelo protivpravnog lišenja života, pa ćemo ovaj propis posebno razmotriti.

Krivično djelo ubistva

Na ovaj delikt odnosi se propis tačke 11 Veprinačkog statuta, koji glasi:

»Ošće est zakon od uدورца: ki bi ubil do smrti, zapada главу.«⁴⁷⁾

I objekt i subjekt ovog krivičnog djela može biti bilo koje lice. Radnja izvršenja sastoji se u aktivnom činjenju (»zakon od uдорца«), tj. u zadavanju smrtnog udarca napadnutom licu.

Subjektivni momenti nisu uzimani u obzir, pa je stoga sasvim irelevantno da li je djelo počinjeno umišljajno ili nehatno. Za ocjenu postojanja ili nepostojanja ovoga djela odlučujuća je posljedica, koja se ima

⁴⁴⁾ Ibidem, na str. LXXVII—LXXVIII, kao i na str. 211 (uvodni dio Veprinačkog statuta).

⁴⁵⁾ Naiime, sačuvan je jedan primjerak ovog statuta u glagolskom pismu, a uz glagolsku maticu nalazi se priklučen prepis (iz 1851. god.), koji je pridodao Jakov Volčić u transkripciji latinice. O svemu ovome vidjeti u Monumenta historico-juridica Statuta lingua croatica conscripta, na str. LXXVII.

⁴⁶⁾ Ibidem, na str. LXXVIII.

⁴⁷⁾ Ibidem, str. 213. — Pri citiranju ovog propisa izvršili smo transkripciju na latinicu.

manifestirati u nastupanju smrti kod napadnutog lica. Razumije se da između protivpravnog činjenja (zadatog udarca) i nastupjeli posljedice (smrti napadnutog lica) mora postojati uzročna veza. To je ujedno i sve što se kod bića ovog krivičnog djela tražilo.

Kazna predviđena za djelo u pitanju jeste smrtna kazna. Propis ne govori ništa o načinu izvršenja ove smrtne kazne (što je vjerojatno ostalo i nadalje regulirano običajnim pravom). Sporedna kazna nije predviđena.

Stilizacija ovog propisa takva je da bi se odnosni učin mogao smatrati ne samo deliktom ubistva, nego i teškom tjelesnom povredom kvalificiranom smrću. S obzirom na izraz »ubil« (mada to ne mora da bude sasvim tačno mjerilo) činilo nam se ispravnijim da ga prihvativimo kao djelo ubistva, negoli kao djelo teške tjelesne povrede kvalificirano smrću.

Upada odmah u oči činjenica da je Veprinački statut Poznavao samo jedno, osnovno djelo ubistva i da uopće ne poznaje ubistva izvršena nad kvalificiranim objektima. Ovo je tim više interesantno što ubistva izvršena nad kvalificiranim objektima, općinskim funkcionerima, kneževim ljudima i sl.) poznaje kao posebna djela ubistva kako Vinodolski zakon od 1288. godine, tako i Riječki statut od 1530. godine. Skoro je nemoguće zamisliti da Veprinac (koji inače pripada istoj starohrvatskoj pravnoj oblasti) u razdoblju između donošenja spomenutih dvaju kodeksa (Vinodolskog zakona i Riječkog statuta) ne poznaje uopće ubistva izvršena nad kvalificiranim objektima. Smatramo da bi ovu pojavu trebalo shvatiti na slijedeći način.

Kod krivičnih djela ubistava nad kvalificiranim objektima po Riječkom statutu i Vinodolskom zakonu nailazimo na nešto pojačane kazne. Zapravo, glavna kazna je kod tih djela uglavnom ista kao i kod ubistava izvršenih nad običnim ljudima. Pooštrenje pak kazne kod ubistva nad kvalificiranim objektima sastoji se po Riječkom statutu u dodavanju sporedne kazne, koja se sastojala u potpunoj ili djelimičnoj konfiskaciji imovine počinioca (zavisno od položaja ubijenog funkcionera), a po Vinodolskom zakonu ovo pooštrenje sastoji se u tome što je (prema čl. 29 V. Z.) u takvim slučajevima knez mogao da uzme vraždu i zagovor kakav god bi on htio (dok je kod ubistva običnog kmeta iznos vražde bio fiksno određen, a »zagovor« nije bio predviđen). Prema tome, pooštrenje krivično-pravne represije kod ubistva nad kvalificiranim objektima nije vršeno u odnosu na ličnost počinioca, nego u odnosu na njegovu imovinu (Riječki statut) ili pak na imovinu njegovu i njegovog roda, po polovicu (Vinodolski zakon). No kada uspoređujemo Riječki statut, Veprinački statut i Vinodolski zakon, treba imati na umu da je Riječki statut iz 1530. godine predstavljao za ono vrijeme jedan vrlo obiman i razrađen kodeks propisa, a Vinodolski zakon (mada se ni iz daleka ne može mjeriti s Riječkim statutom), po obimu i problematici koju je zahvatio, također je predstavljao daleko obimniji i obuhvatniji kodeks od Veprinačkog statuta. Naprotiv, Veprinački statut vrlo je sitan po obimu (sadrži svega 36 jako malih tačaka). Otuda bi se dalo zaključiti da je Veprinački statut obuhvatio samo glavne i osnovne stvari, pa se mora predpostaviti da je i poslije njegovog donošenja masa pitanja ostala i dalje regulirana običajnim pra-

vom, čiji dobar dio tom prilikom nije popisan niti statutom obuhvaćen. Stoga je vrlo vjerojatno da je i nakon donošenja Veprinačkog statuta iz 1507. godine običajno pravo u Veprincu predstavljalo još uvijek velik izvor za sve eventualne dopune onih šupljina koje se u pisanom pravu (statutu od 1507. godine) pojavljuju, a tih šupljina je, bez sumnje, bilo vrlo mnogo. Možda je stoga baš običajnim pravom popunjavana i ova eventualna šupljina o pooštrenju kazni kod ubistva izvršenog nad kvalificiranim objektom. Ovo je bilo tim lakše ako bi u takvim slučajevima (kod ubistva izvršenog nad kvalificiranim objektom) glavna kazna bila ista koja i za izvršioce običnih ubistava (a tako bi trebalo da bude shodno duhu vremena i pravnom shvatanju na tom istom pravnom području, izraženom u propisu Vinodolskog zakona i Riječkog statuta), pa bi običajnom pravu ostalo jedino da kod ubistva nad kvalificiranim objektom dopuni šupljinu propisa u pogledu one druge, sporedne kazne (imovinskog karaktera), kojom se u takvim slučajevima u Rijeci i Vinodolu postizalo specijalno pooštrenje kazne za počinioce ove vrste delikata.

Inače, što se tiče određene kazne, dotični propis Veprinačkog statuta vrlo je blizak odgovarajućim propisima Riječkog statuta,⁴⁸⁾ a sasvim neuporediv s odgovarajućim propisima Vinodolskog zakona. Nema sumnje da je protek vremena učinio svoje, te je i sistem kazni u Veprincu od XIII stoljeća (kada je donesen Vinodolski zakon) pa do početka XVI stoljeća (kada je donesen Veprinački statut) znatno evoluirao. Otuda, s druge strane, toliko sličnosti po pitanju vrste i mjere kazne za isto djelo između Riječkog i Veprinačkog statuta, jer je između donošenja ovih dvaju statuta postojao samo neznatni vremenski razmak od svega 23 godine.

D) PO PROPISIMA TRSATSKOG STATUTA

Statut trsatski donesen je 1640. godine. No da bi se bolje razumjelo ono o čemu će niže biti govora, potrebno je u nekoliko riječi dotaći se povijesti Trsata za period od donošenja Vinodolskog zakona (1288.god) pa do donošenja ovoga statuta (1640. god.).

U vrijeme donošenja Vinodolskog zakona, Trsat je bio u sastavu Vinodola. Stoga su i predstavnici Trsata bili prisutni skupštini na kojoj je donesen Vinodolski zakon, pa je ovaj, razumljivo, važio i za Trsat za sve vrijeme dok je Trsat bio pod Frankopanima. No Trsat je pod Frankopanima ostao do 1490. godine, kada su ga zaposjeli Habzburgovci. U ratu između Venecije i cara Maksimilijana Habzburškog 1508. godine Trsat su zauzeli Mleci. No pošto se u taj sukob umiješao i hrvatski ban Andrija Bot, ovaj je s knezom Bernardinom Frankopanom oduzeo Trsat od Mlečana, tako da je Trsat i dalje ostao u rukama Frankopana negdje do sre-

48) Nepodudarnost bi po ovom pitanju bila jedino u tome što Riječki statut kod smrtnih kazni obično precizira i način izvršenja (ponajviše se radilo o kazni smrti odsijecanjem glave, a kod političkih delikata vješanjem), dok Veprinački statut o tome ne govori. Vjerojatno je u to vrijeme u Veprincu postojao određeni način izvršenja smrtnih kazni koji je bio toliko uobičajan da se je smatralo nepotrebним posebno spominjanje istog u propisu (ili je pak to pitanje ostalo i dalje regulirano običajnim pravom).

dine XVI stoljeća.⁴⁹⁾ U doba donošenja Trsatskog statuta od 1640. godine Trsat se, dakako, nalazio u rukama Habzburga.

Za vrijeme dok je Trsat bio u sastavu Vinodola (odnosno dok se je nalazio u rukama Frankopana) na području Trsata važili su propisi Vinodolskog zakona. Razumljivo je da se situacija izmijenila nakon što je Trsat došao pod vlast Habzburga, pa se osjetila i potreba da se odrede i preciziraju novonastali odnosi između Trsata (odnosno njegovih stanovnika) i nove habzburške vlasti (koju je u gradu zastupao kapetan).⁵⁰⁾ To je bio i jedan od osnovnih razloga donošenja Trsatskog statuta iz 1640. godine.

Trsatski statut iz 1640. godine nije u stvari nikakav novi statut, barem ne sasvim novi. On je, zapravo, dopunjeni i modificirani Vinodolski zakon. U njemu, istina, ima i nekih novih odredaba, ali također i masa starih, prenesenih iz Vinodolskog zakona, ali dotjeranih i prilagođenih vremenu i novim prilikama,⁵¹⁾ što je i sasvim razumljivo.

Trsatski se statut nalazi sačuvan (u biblioteci JAZU u Zagrebu) u jednom starijem rukopisu, koji prepis je sačinjen negdje početkom XVIII stoljeća od strane jednog trsatskog župnika.⁵²⁾

Kod izlaganja i obrade određenih propisa Trsatskog statuta mi ćemo se služiti tekstom koji je objavio dr Franjo Rački u *Monumenta historico-juridica Slavorum Meridionalium*, pars I, vol. IV: *Statuta lingua croatica conscripta*, na str. 219—227. Za ovo izdanje Trsatskog statuta pisac kaže da ga je izradio držeći se naprijed navedenog rukopisa s početka XVIII stoljeća.⁵³⁾

Najzad, moramo posebno da napomenemo određenu opravdanost konfrontiranja propisa Trsatskog statuta, koji se odnose na odgovarajuća krivična djela, s odgovarajućim propisima Riječkog statuta uprkos činjenici što je Riječki statut donesen 1530. godine, a Trsatski 1640. god. (dakle, punih 110 godina kasnije), te da ovaj posljednji, kao mnogo kasniji, reklo bi se na prvi pogled, nije mogao utjecati na Riječki statut uopće, pa ni na njegove krivično-pravne odredbe.

Da je Trsatski statut potpuno nova tvorevina iz 1640. godine za ovo bi bilo manje praktičnih razloga. No pošto je ovaj statut sačinjen na osnovici starog Vinodolskog zakona, konfrontiranje njegovih propisa s odgovarajućim propisima Riječkog statuta ukazuju se dvostruko korisnim. Prije svega tu se radi (kod velikog broja propisa Trsatskog statuta) o odredbama koje su (možda u nešto modificiranom obliku) bile na snazi i prije donošenja Riječkog statuta, te su, u toj svojoj ranijoj formi izvjesno mogle do jedne mjere utjecati i na propise Riječkog statuta. S druge strane, baš na Trsatskom statutu iz 1640. godine možemo promatrati kolike su izmjene učinjene na pojedinim starim propisima Vinodolskog zakona u skladu s pogledima i duhom prve polovine XVII stoljeća. To nam može poslužiti da sagledamo i razvojni put pojedinih krivično-pravnih instituta u periodu od tri i pol stoljeća (od Vinodolskog zakona do Trsatskog statuta, tj. od 1288. pa do 1640. godine), a to opet može da bude

49) *Monumenta historico-juridica . . . Statuta lingua croatica conscripta*, str. LXXIX—LXXX
50) *Ibidem*, str. LXXX.

51) *Ibidem*, str. LXXX.

52) *Ibidem*, str. LXXXI.

53) *Ibidem*, str. LXXXII.

naročito zanimljivo za ocjenu brzine kojom je u krivičnom pravu starohrvatske pravne oblasti evoluirala krivično-pravna misao uopće, a naročito na posebnim važnim pitanjima, kao što je, na primjer, pitanje vinosti, kažnjivosti za pokušaj i za pripreme radnje itd, itd.

1. Osnovno djelo ubistva

Propisi koji se odnose na ovo krivično djelo sadržani su u tačkama 20, 21 i 22 Trsatskog statuta i glase:

»20. Ako on, ki naskoči, i da bi ubil: da je glava za glavu, ako bi ga jeli; ili da obnajde pri cesarove svitlosti, a pene da plati L. 100, od ke pene gre za pomoć od crikve sv. Jurja L. 20.

21. Ako se ne bi mogao takav silnik jet, da nebi imel obitelji: da sve blago gre pod kamaru. Ako bi imel obitelj da se da obitelji ob čem se mogu obdržat; i da se vidi, ako je blago materino, da nima nišće biti podložno, lego da je slobodno; a ča je očinstvo, da se pena vazme, kako rekosmo prvo, L. 100.

22. Više od toga blaga ženina dati obitelji, ki je ubijen, kako bude na conscienu pravde, za uzdržati jih, zač bi jih mogal otac hraniti.«⁵⁴⁾

Objekt i subjekt ovog krivičnog djela može biti bilo koje lice. Nije važno u čemu se konkretno sastoji radnja izvršenja, pod uvjetom da je njome prouzrokovana smrt napadnutog (svakako se mora raditi o komisivnoj radnji — činjenjem). Vrijeme, mjesto i ostale okolnosti koje posebno osvjetljavaju slučaj sasvim su bez značaja.

Iz same prirode djela proističe jasno da se ovaj delikt može počiniti samo umišljajno (»ki naskoči, i da bi ubil«).⁵⁵⁾

Propisi o kazni su vrlo opširni. U pogledu kazne prave se razlike za dva moguća slučaja: ako se krivac uhvati i ako se ne uhvati, pa oba slučaja moramo odvojeno razmotriti.

a) Ako se krivac uhvati izriče mu se smrtna kazna. Interesantno je spomenuti da je statutarni propis ovdje potpuno prihvatio princip taliona. To se jasno vidi iz stilizacije teksta, koji kaže »... da je glava za glavu ...«. No postoji mogućnost da počinilac izbjegne ovoj kazni ako »obnajde pri cesarove svitlosti«.⁵⁷⁾ U tom slučaju on plaća samo novčanu kaznu od 100 libara, od koje kazne jedna petina (20 libara) ide crkvi Sv. Jurja.⁵⁸⁾

b) Ako se počinilac ne bi mogao uhvatiti (»ako se ne bi mogal takov silnik jet«), tada se kazna sastoji u konfiskaciji imovine počinioca (»da sve blago gre pod kamaru«). No i tu postoje mnoge kombinacije, s obzirom na izvjesne momente koje propis pri tom naročito uzima u obzir. Tako

54) Ibidem, str. 221.

55) U tom smislu se izjašnjava i dr Šilović. Vidi dr Josip Šilović: O razvoju krivnje u hrvatskom kaznenom pravu, Rad JAZU — knj. 194, Zagreb 1912., str. 165.

57) »Obnajti pri cesarove svitlosti« ovdje treba shvatiti kao: »isprositi pomilovanje od cesarove svjetlosti«. Vidjeti o tome kod V. Mažuranića: Prinosi za hrvatski pravno-povijestni rječnik, na str. 779—780 pod »obnaći«.

58) Ova odredba Trsatskog Statuta predstavlja u stvari mogućnost izbjegavanja primjene krutog principa taliona, propisujući poređ dočitne smrtnе kazne (glava za glavu) alternativno još i oву novčanu kaznu. Tačnije rečeno, u konkretnom slučaju imamo propis koji predviđa kombinaciju taliona i vražde (mada je vražda u konkretnom slučaju nešto malo modificirana), pri čemu se ove dvije vrste kazne pojavljuju kao alternativne.

odredba o oduzimanju cjelokupne imovine počinjoca vrijedi jedino u slučaju ako izvršilac djela nema svoje obitelji (»da ne bi imel obitelji«). Ako počinilac ima obitelj na izdržavanju, tada se od njegove imovine ima pretvodno odvojiti i njegovoj obitelji ostaviti jedan dio ove imovine da bi se mogla izdržavati. Preostali dio bio bi oduzet, ali ipak ne u svakom slučaju. Naime, ako počinilac nema svoje lične imovine, nego mu imovina potječe od materinstva (majčinog imanja), od takve imovine ne oduzima se ništa, a ako pak od očinstva, tada se od te imovine naplaćuje samo kazna od 100 libara (dakle: iznos vražde). Najzad, pod udar djelomično potpada i ženina imovina. Tako se obitelji ubijenog od imovine koja pripada ženi ubičinoj daje izvjestan dio, po slobodnoj ocjeni suda, a od koje imovine bi se izdržavala obitelj ubijenog.

Propisi o kazni kod ovog krivičnog djela predstavljaju jednu interesantnu kombinaciju lične odgovornosti počinjoca i ograničene solidarnosti užih srodnika, prvenstveno žene, a potom oca — preko njegove imovine. Što je navelo zakonodavca da propiše da se od imanja koje pripada ženi ubice dodijeli ženi i djeci ubijenog dio potreban za izdržavanje? Bez sumnje na to ga je navelo ondašnje shvatanje sredine, po kom se smatralo da je i žena ubičina moralno obavezna da svojim imetkom doprinese izdržavanju žene i djece ubijenog, koji je lišen života (a dotična porodica hranitelja rukom njenog muža i hranitelja. Svakako, shvaćanje nespojivo s današnjim stanovištem o strogo individualnoj odgovornosti počinjoca, no koje je ipak za ono doba imalo svoje opravdanje, ne samo u moralnom i krivično-pravnom, nego i u ekonomskom pogledu i to u ovom posljednjem baš ponajviše.

Upoređujući odredbe Trsatskog statuta o ovom krivičnom djelu s odredbama Vinodolskog zakona, koje se odnose na ubistvo (čl. 29 i 31 Vinodolskog zakona) vidimo dosta velikih razlika, ali i prilično sličnosti, iz kojih se odmah može zaključiti da su ovi propisi Trsatskog statuta imali za osnovu nekadašnje propise Vinodolskog zakona. Dotične sličnosti i razlike ogledaju se u slijedećem:

Za ubicu (riječ je o ubici koji se uhvati) kmeta ili nekoga od roda kmetskoga Vinodolski zakon (čl. 31) propisuje odmazdu i to u slučaju da se počinilac uhvati prije nego bi se platila vražda. Međutim, citirani propis Trsatskog statuta (tač. 20) za takav slučaj propisuje kažnjavanje po principu taliona (»... da je glava za glavu...«). Zna se, međutim, da je princip taliona znatno napredniji od odmazde i da je svojom pojavom označio osjetan korak naprijed u razvoju starog krivičnog prava. Po tom pitanju Trsatski statut je u odnosu na propise starog Vinodolskog zakona učinio priličan korak naprijed. Ali ne samo to. Tač. 20 Trsatskog statuta propisuje za isti slučaj i drugu mogućnost: da se počinilac »obnajde pri cesarove svitlosti«, u kom slučaju samo plaća 100 libara kazne (što bi vjerojatno bila neka vrsta vražde). Odmazda je, dakle, za djelo ubistva po Trsatskom statutu potpuno eliminirana. Ovo sve za slučaj da se ubica uhvati. Ukoliko se pak ubica ne može uhvatiti, tada se — i po propisima Trsatskog statuta kao i po propisima Vinodolskog zakona — pristupa vraž-

di.⁵⁹) Samo je ta vražda nešto drugačije postavljena po Vinodolskom zakonu negoli po Trsatskom statutu, što ne mijenja mnogo njenu pravnu i faktičku suštinu.

Upada u oči da Trsatski statut ne dijeli ubistva na ona kod kojih je objekt djela (pasivni subjekt) obično lice od onih s kvalificiranim objektima, što je Vinodolski zakon činio. Ne bi se moglo reći što je uslovilo ovu razliku između dvaju spomenutih kodeksa. Vjerojatno se sredinom XVII stoljeća — kada je ponikao Trsatski statut — s obzirom na tadašnji nivo pravne svijesti sredine i stupanj razvoja krivično-pravne teorije, takova dioba već smatrala deplasiranom.

Razlike između propisa Trsatskog statuta i propisa Riječkog statuta po pitanju krivičnih djela ubistva jako su velike. Po nekim pitanjima — i to je naročito interesantno spomenuti — napredniji je Riječki statut od Trsatskog statuta, iako je prvi donesen za čitavih 110 godina prije drugoga. Razlog bi trebao da leži u tome što se tvorac Trsatskog statuta i suviše držao njegove stare osnovice — Vinodolskog zakona, što mu je smetalo da po nekim pitanjima istupi progresivnije. S druge strane vjerojatno ni pravna svijest u Trsatu nije tako brzo evoluirala po izvjesnim pitanjima, jer je duga upotreba starog Vinodolskog zakona učinila da su njegovi principi pustili dubokog korjena u narodu, u kom okviru se uglavnom i kretalo gledanje sredine na dotične probleme. Stoga je, po našem mišljenju, u kasnije doba (prije donošenja Trsatskog statuta) stari Vinodolski zakon prilično sprečavao kretanje naprijed u domenu krivičnog prava na dotičnoj teritoriji, što je našlo svog odraza i u propisima kasnijeg Trsatskog statuta. Rijeka je, naprotiv, u tom pogledu bila mnogo slobodnija. Ona prije donošenja Riječkog statuta nije bila vezana drevnim propisima u domenu krivičnog prava (a i običajima ne tako osjetno), pa je pravna svijest u Rijeci po tim pitanjima mnogo brže (i bez zapreke) evoluirala.

Ako usporedimo propise Riječkog statuta po djelu ubistva s propisima tač. 20, 21 i 22 Trsatskog statuta, vidimo slijedeće glavne razlike:

Dok je Rijeka poznavala više vrsta krivičnih djela ubistva Trsat je poznavao samo jedno osnovno djelo ubistva (ovdje isključujemo čedomorstvo i ubistvo djeteta iz nehata — po Trsatskom statutu, o čemu ćemo niže posebno govoriti). Rijeka je, kao i Vinodol, pored ubistva običnih lica, kao posebna krivična djela poznavala ubistva kod kojih se radilo o kvalificiranim objektima. Trsatski statut ovu razliku ne pravi i to je, u domenu krivičnih djela protivpravnog lišenja života, možda i jedino pitanje po kome se Trsatski statut pokazao progresivnijim od Riječkog statuta. Po pitanju subjektivnih momenata, barem kod običnih ubistava (izuzimamo i ovdje, dakako, čedomorstva i ubistva djeteta iz nehata — po Trsatskom statutu) Riječki je statut daleko progresivniji od Trsatskog statuta. Po pitanju kazni također. Naime, dok Trsatski statut prihvata talion i vraždu (a to su relikti iz starog Vinodolskog zakona), dотle Rijeka ima mnogo moderniji sistem kazni. Istina i Rijeka prihvata smrtne kazne

59) U Vinodolskom zakonu se vražda izrično spominje, dok se u Trsatskom statutu ne spominje izrekom, ali se po prirodi ove imovinske kazne vidi da je ona u to vrijeme u stvari predstavljala jednu vrstu vražde.

kod ubistva⁶⁰⁾ (što u krajnjoj liniji potiče od davnašnjeg taliona u domenu ubistava), ali ona nikako ne poznaje vraždu. Novčane kazne u Rijeci slične su današnjim novčanim kaznama (u suvremenom krivičnom pravu), a kazne oduzimanja imovine počiniocu krivičnog djela sliče kazni konfiskacije imovine u nekim suvremenim krivičnim pravima. Najzad (a to je ono po čemu je riječko krivično pravo naročito ispred krivičnog prava Trsatskog statuta) Riječki statut kod nijednog ubistva nije poznavao kolektivnu odgovornost, niti čistu niti ograničenu, već jedino individualnu odgovornost počinjoca, dok je Trsatski statut poznavao kako individualnu tako i ograničenu kolektivnu odgovornost kod ubistva.

2. Čedomorstvo

Propis koji tretira ovo krivično djelo sadržan je u tač. 35 Trsatskog statuta i glasi:

»Ako bi ka umorila dite, tere ne bi po nesreće, i bi se otela čista činiti: da joj gre glava, i onomu, ki bi ju naputil.«⁶¹⁾

Subjektom ovog krivičnog djela može biti samo majka dotičnog djeteta kojeg ubija, a objektom samo njeno novorođeno dijete. Nije važno kakvom je konkretnom radnjom djelo izvršeno, pod uvjetom da je dotična radnja prouzrokovala faktičku smrt djeteta.

Ovo krivično djelo može se počinjiti samo s umišljajem, a nikako nehatno. To proizlazi iz statutarnog fragmenta, koji kaže: »...tere ne bi po nesreće ...«. Motiv ovog djela određen je riječima »... e bi se otela čista činiti...«. Djelo su, dakle, uglavnom vršile vanbračne majke u namjeri da sakriju svoje vanbračne spolne veze i da na taj način sačuvaju svoju čast.

Za ovo djelo propisana je smrtna kazna (»...da joj gre glava...«). Očigledno trsatski zakonodavac kod kažnjavanja majki za ovo krivično djelo nije vodio računa o svemu onome o čemu kod takvih slučajeva vodi računa moderno krivično pravo i što znatno olakšava položaj takvih počinilaca u odnosu na vrstu i mjeru kazne koja ih očekuje.

Niti u Riječkom statutu, niti u Kastavskom ili Veprinačkom, a niti u Vinodolskom zakonu, nemamo slične odredbe o krivičnom djelu čedomorstva. Iz toga proizlazi da propis ove vrste predstavlja novinu, kao i propis koji se odnosi na djelo ubistva djeteta iz nehata, o čemu niže.

3. Ubistvo djeteta iz nehata

Ovo djelo predviđeno je propisima tač. 36 Trsatskog statuta, koji glasi:

»Ako bi ka mat dite u zibelete umorila po nemarljivosti i nepomnje: da plati crikve L. 25, a pravde druge L. 25.«⁶²⁾

60) Smrtnе kazne za ubistva predviđa inače i većina modernih krivičnih prava.

61) Monumenta historico-juridica.: Statuta lingua croatica conscripta, str. 223.

62) Ibidem, str. 223.

Subjekt djela u pitanju može biti samo majka, a objekt njenog sopstveno dijete u kolijevci⁶³), tj. sitno dijete (»...dite u zibele...«). Ni kod ovog djela nije važno kakvom je konkretno radnjom djelo izvršeno, pod uslovom da je ta radnja izazvala faktičko usmrćenje djeteta i da je po svojoj prirodi takva da proističe iz »nemarljivosti i nepomnje«.

Ovo se krivično djelo može počiniti samo kulpozno, a nikako umišljano. O tome jasno govori propis, kada traži da je djelo izvršeno »... po nemarljivosti i nepomnje...«. Dr Šilović kaže, da se ovdje po prvi put u starom hrvatskom pravu, pisanom narodnim jezikom, susrećemo s tačnom razlikom između umišljaja i nehata kod usmrćenja ljudskog bića.⁶⁴

Kazna je za ovo djelo novčana i iznosi 50 libara, od kojih 25 fisku, a 25 crkvi. Iz odredbe koja predviđa da iznos od 25 libara kazne pripada crkvi, a isto toliki iznos fisku, proizlazilo bi da se ovaj učin u to doba smatrao ne samo djelom štetnim sa gledišta interesa zajednice i društva, nego još i jednom vrstom duhovnog delikta, radi čega se u diobi novčane kazne pojavljuje i crkva.

Ovakvo ili slično krivično djelo ne nalazimo niti u Vinodolskom zakonu, niti pak u Riječkom, Kastavskom ili Veprinačkom statutu. Prema tome, propis za ovo djelo predstavlja novinu, koju nam donosi Trsatski statut, kao i u pogledu krivičnog djela čedomorstva, o kome je bilo riječi naprijed.

E) PO PROPISIMA MOŠĆENIČKOG STATUTA

Prva redakcija Mošćeničkog statuta sačinjena je 1627. godine od strane notara Stanislava Negovetića. Inače, ovaj statut predstavlja kodificiranu zbirku raznih normativnih odredaba koje obuhvaćaju vremenski period od 1470. god. (najstarije) pa do 1753. god. (najmlađe), tj. od druge polovice XV do sredine XVIII stoljeća. Pošto u statutu pored pojedinih propisa stoji i godina njihovog donošenja, možemo lako pratiti razvojne putove mošćeničkog pisanog prava na njegovim pojedinim etapama u spomenutom vremenskom razmaku od sedamdesetih godina XV pa do sredine XVIII stoljeća.

Danas imamo sačuvan porečko-riječki rukopis Mošćeničkog statuta iz XVII stoljeća i prijepis svećenika Jakova Volčića koji potiče negdje iz sredine XIX stoljeća. Ovaj prvi pohranjen je u Historijskom arhivu u Rijeci, a onaj drugi u Sveučilišnoj knjižnici u Zagrebu. Porečko-riječki rukopis pisan je latinicom i nekim čudnim i nedosljednim pravopisom, upravo onako kako su njegovi pisari smatrali najpraktičnijim u pokušaju da što bolje pogode i što tačnije zapišu interesantne nijanse mošćeničkog lokalnog govora. Posebno je pitanje koliko su u tome uspjeli.

63) Zibela = zipka, kolijevka (V. Mažuranić: Prinosi za hrvatski pravno-povijestni rječnik, na str. 1681 pod »Zibela«).

64) Dr Josip Šilović: O razvoju krivnje u hrvatskom kaznenom pravu, Rad JAZU — knj. 194, Zagreb 1912, str. 165—166.

Tekst Mošćeničkog statuta po prvi put je objavio prof. Nikola Žic u Programu pazinske gimnazije za školsku 1911/12. godinu,⁶⁵⁾ kojom prilikom je objavljavač imao u rukama stariji, porečko-riječki rukopis i nastojao je da njegov tekst objavi ad literam, onako kako je tamo zapisan. U tome je samo djelomično uspio jer su mnoge riječi pogrešno pročitane, a neke riječi i izostavljene. U svakom slučaju nije se radilo o jednom kritičkom objavljivanju teksta, a nedostajala je i naučna aparatura. Nije isključeno da su i eventualne štamparske greške dijelom doprinijele povećanju ovih nedostataka. Godine 1912. tekst Mošćeničkog statuta objavio je Rudolf Strohal.⁶⁶⁾ Iza toga, godine 1914, Mošćenički statut objavljuje profesor praškog univerziteta i poznati pravni historičar dr Karel Kadlec,⁶⁷⁾ a 1957. god. tekst ovog statuta kritički je objavio (fonetski) Ante Šepić u svojoj filološkoj studiji pod naslovom »Zakon kaštela Mošćenic«.⁶⁸⁾

Povijest Mošćenica inače je vrlo tjesno vezana za povijest Kastva, jer su Mošćenice pripadale Riječkoj gospoštiji samo do godine 1584, a od tada su pripadale Kastavskoj kapetaniji i predstavljale slobodnu općinu,⁶⁹⁾ sa svojim unutarnjim uređenjem koje se temeljilo na propisima lokalnog mošćeničkog prava sadržanog u Mošćeničkom statutu.

Mošćenički statut, mada sadrži izvjestan broj propisa koji se odnose na druge delikte protiv života i tijela (ili tačnije: protiv tijela — teške i lake tjelesne povrede), o čemu će biti posebno riječi kasnije, ne sadrži nikakvog propisa koji bi se odnosio na protivpravno lišenje života. U ovom pogledu, dakle, imamo situaciju istovjetnu kao i kod Kastavskog statuta. Nisu nam poznati sigurni razlozi ove praznine u pisanom pravu Mošćenica, pa nam ostaje da se zadovoljimo pretpostavkama koje bi u konkretnom slučaju bile baš one iste koje smo istakli ranije kad je bilo govora o sličnoj praznini Kastavskog statuta. Ovo tim prije što se radi o područjima međusobno maksimalno povezanim ne samo kroz povijesna zbivanja koja su bila ista ili slična u oba ova kraja, nego i kroz običajno pravo koje se tokom vremena moralo razvijati pod istim ili sličnim uvjetima i biti odraz približno sličnih shvaćanja pravde i pravice.

Propis koji govori o zadavanju smrtne rane (mada se ovaj delikt nalazi u stvari na granici između djela ubistva i djela teške tjelesne povrede) izložit ćemo kasnije (kad bude riječ o tjelesnim povredama) jer smatramo da mu je ipak mjesto u grupi teških tjelesnih povreda.⁷⁰⁾

65) IX program c. k. velike gimnazije u Pazinu za školsku 1911/12 g.

66) Strohal, R.: Mošćenički statut. Südslavische Revue, Zagreb 1912.

67) Kadlec K.: Mošćenicky statut. Příspěvek k seznámení právních rádu chorvatské obec v Istrii ve stol. XV—XVIII. Razpravy české akad., Prava 1914. Třída I. číslo 53.

68) Ante Šepić: »Zakon kaštela Mošćenic«, Rad JAZU — knj. 315, Zagreb 1957., str. 223—285.

69) Ibidem, str. 234.

70) U konkretnom slučaju radilo bi se o djelu teške tjelesne povrede kvalificirane smrću.

II

KRIVIČNA DJELA TJELESNIH POVREDA

Vinodolski zakon poznavao je razliku između teških i lakih tjelesnih povreda samo kada se radilo o djelima s kvalificiranim objektima (pasivnim subjektima), tj. o podknežinu, permanu ili drugom kneževom službeniku. U ostalim pak slučajevima (kada je objektom napada bio kmet) ni Vinodolski zakon ne pravi razliku između teških i lakih tjelesnih povreda. Kastavski, Veprinački i Trsatski statut ne prave uopće i ni u kom slučaju (niti terminološki niti faktički) razliku između teških i lakih tjelesnih povreda. Mošćenički statut pravi ovu razliku samo u jednom jednom slučaju — odvajajući tjelesne povrede kvalificirane smrću.⁷¹⁾

Radi navedenoga i mi ćemo ovdje sve ove delikte izložiti u jednoj grupi »tjelesnih povreda«, ukazujući dakako posebno na one rijetke slučajeve gdje je zakonodavac pravio razliku između lakih i teških tjelesnih povreda.

A) PO PROPISIMA VINODOLSKOG ZAKONA

1. Odsijecanje ili osakaćenje uda podknežinu, permanu ili kneževim službenicima

Na ovo djelo odnosi se fragment člana 30 Vinodolskog zakona, koji kaže:

»... Ako bi ot nih nikomu niki ud usikli ili shabil, tako da bi od toga ne mogao priti na prvo zdravje: ostani va osudu onom, v kom ga knez oće osudit.«⁷²⁾

Radi pravilnog razumijevanja oog fragmenta treba, naravno, imati pred očima cijelovit propis člana 30 V. Z, jer ovaj fragment predstavlja zadnji dio ovog cjeokupnog propisa i u mnogo čemu oslanja se na prednji dio člana 30.⁷³⁾

71) Nema sumnje da su se propisi koji se odnose na tjelesne povrede primjenjivali jednakom u slučajevima teških kao i u slučajevima lakih tjelesnih povreda. Bitni, konstitutivni element bjeća krivičnog djela predstavlja je tjelesna povreda o kojoj govori propis, s tim što karakter te povrede, njena težina i stupanj opasnosti po zdravljie i život (u slučajevima gdje propisi ne prave razliku između teških i lakih tjelesnih povreda) nije predstavljao element bjeća djela u pitanju. Interesantna je okolnost da ni Trsatski statut ne pravi razliku između teških i lakih tjelesnih povreda iako se on pojavio punih 110 godina poslije Riječkog statuta, koji je u ovom pogledu učinio ogroman korak naprijed (vidjeti detaljnije u već spomenutom mom radu: »Krivična djela protiv života i tijela u srednjovjekovnoj Rijeci...«, str. 117–189).

72) U današnjem jeziku ovaj fragment bi glasio:
»... Ako bi kojemu od njih koji ud odsjekao ili povrijedio tako da ne bi mogao doći do predlašnjeg zdravlja, neka plati globu na kakvu ga knez hoće da osudi.« (Tekst i prevod na današnji jezik citirani prema dr Kostreniću: op. cit., str. 150 i 168)

73) Cjelokupan tekst člana 30 Vinodolskog zakona glasi:
»lošće: ako ki učini zasedenje od rečenih podknežinov ili služabnici ili perman, ter se more pokazati podobnimi svedoci, plati knezu libar 50. A to takoe, ako bi ga bili ili ranili, i za ranene platit držan je polovicu. Ako bi ot nih nikomu niki ud usikal ili shabil, tako da

Subjekt (aktivni) ovog djela može biti bilo koje lice, a objekt (pasivni subjekt) jedino: podknežin, perman ili kneževi službenici. Pod terminom »kneževi službenici« podrazumijeva se »... koga od kućne držine gospodina kneza ...«, kako je ovaj termin pobliže označen u čl. 29 Vinodolskog zakona. Konkretan način izvršenja radnje nije važan (pod uslovom da je napad uslijedio iz zasjede), ali se kao posjedica ove radnje mora javiti odsijecanje ili osakačenje nekog uda, iz čega dalje logično slijedi da je povreda teške prirode i da povrijeđeni više »ne može doći do predašnjeg zdravlja«. Vrsta i mjera kazne za djelo u pitanju nije određena zakonom nego zavisi od slobodne ocjene kneza, koji kaznu određuje nakon ocjene svih revelantnih okolnosti dotičnog slučaja. Svakako je pri tom od najveće važnosti (za ocjenu stepena društvene opasnosti djela počinioца) bilo: vrsta povrede i stupanj tjelesnog oštećenja napadnutog lica. Iz prirode samog djela (ako se ima pred očima čitav propis čl. 30 Vinodolskog zakona) proizilazi da se djelo moglo počiniti samo umišljajno.

U konkretnom slučaju radi se o deliktu s kvalificiranim objektima (pasivnim subjektima) kakve je poznavalo i riječko krivično pravo XVI stoljeća. Veprinački i Mošćenički statut kod tjelesnih povreda također odvojeno tretiraju povrede nanesene određenim funkcinerima (radi se o djelu zadavanja udarca viječniku — tač. 12 Veprinačkog statuta i str. 5 Mošćeničkog statuta). Međutim, Kastavski i Trsatski statut ne poznaju delikte s kvalificiranim objektima.

2. Bijenje ili ranjavanje podknežina, permana ili kneževih službenika

Član 30 Vinodolskog zakona⁷⁴⁾ sadrži jedan fragment koji se odnosi posebno na ovo krivično djelo. Taj fragment glasi:

»...A to takoe, ako bi ga bili ili ranili, i za ranene platit držan je polovicu ...«.

U konkretnom slučaju smatramo da bi se radilo o lakim tjelesnim povredama, jer su teške povrede sadržane u djelu odsijecanja ili osakačenja uda..., o kojem je maločas bilo riječi.

Subjekt ovog djela (kao i kod prethodnog) može biti bilo koje lice, dok objektom (pasivnim subjektom) mogu biti samo zakonom određeni funkcioneri i to: podknežin, perman ili kneževi službenici. Za razumijevanje pojma »kneževih službenika« vrijedi sve ono što je već rečeno kod prethodnog djela.

Radnja izvršenja sastoji se u bijenju ili ranjavanju napadnutog lica (funkcionera). Konkretan način izvršenja ove radnje nije bitan, ali pod

bi od toga ne mogao priti na prvo zdravljie: ostani va ostudu onom, v kom ga knez oče osudit.« Ili u današnjem jeziku: »Zasjedne li tko rečenim podknežinima ili službenicima ili permanima, te se to može dokazati sposobnim svjedocima, ima platiti knezu pedeset libara. Ako bi ga tukli ili ranili; za ranu ima se platiti polovicu (gore spomenute svote). Ako bi kojemu od njih koji ud odsjekao ili povrijedio tako, da ne bi mogao doći do predašnjeg zdravlja, neka plati globu na kakovu ga knez hoće da osudi.«

(Tekst i prevod citirani prema dr Kostreniću: op. cit., str. 150 i 168).

⁷⁴⁾ Tekst i prevod na današnji jezik čitavog člana 30 V. Z. vidi u bilješki 73.

uslovom da je napad uslijedio iz zasjede.⁷⁵⁾ Iz toga opet proizlazi da je za ovo djelo bio potreban umišljaj, a što inače proistiće i iz same prirode ovoga djela.

Kazna je novčana, javno-pravne prirode (jer ide u korist kneza) i inosi 25 libara.⁷⁶⁾

Ovdje je vrijedno napomenuti kao karakteristično kako za Vinodolski zakon tako i za Riječki statut da oba ova stara zakonska kodeksa odvajaju i posebnim propisima reguliraju delikte protiv tijela izvršene nad određenim funkcionerima koje hoće posebno da zaštite (to su u Vindolu: podknežin, perman i kneževi službenici, a u Rijeci: kapetan, vikarij, sudije i sindici, a u izvjesnom smislu i satnik i ostali plaćeni općinski službenici) od delikata inače iste vrsti, ali izvršenih nad običnim ljudima (u Rijeci: građanima, stanovnicima ili distriktačima, a u Vindolu: kmetovima). U pogledu interesa i težnji zemaljskih gospodara da njihovi funkcioieri budu posebno i jače zaštićeni od ostalih ljudi nema nikakve razlike između Rijeke (1530. god) i Vinodola (1288. god). Međutim, i u ovoj grupi delikata protiv tijela ima ipak znatnih razlika između riječkog i vinodolskog krivičnog prava. Navest ćemo one najbitnije. Po propisima Riječkog statuta iz 1530. godine za zadavanje udarca kapetanu s okrvavljenjem propisana je tjelesna kazna odsjecanjem desne ruke i vječni izgon iz Rijeke i njenog distrikta (obje kazne su određene kumulativno); za zadavanje udarca vikariju s okrvavljenjem predviđena je propisima Riječkog statuta iz 1530. godine za zadavanje udarca kapetanu (obadvije kazne izriču se kumulativno); za zadavanje udarca sucima ili sindicima s okrvavljenjem propisana je novčana kazna od 100 libara i izgon iz vijeća, ako su članovi kojeg vijeća, a ako nisu članovi vijeća, tada se kažnjavaju batinanjem (i ovdje su obadvije kazne određene kumulativno).⁷⁷⁾ Vinodolski zakon, međutim, ne pravi razliku da li je dotično djelo izvršeno nad podknežinom (kao najvažnijim kneževim funkcionerom), ili permanom, ili pak nad službenikom, te se ove učine jednako kažnjava novčanom kaznom od 25 libara. I još jedna važna razlika. Dok propisi Riječkog statuta pružaju pojačanu zaštitu i satniku, kao i ostalim plaćenim službenicima riječke općine,⁷⁸⁾ Vinodolski zakon ne pruža nikakvu pogledu s ostatim kmetovima, što je izričito naglašeno članom 25. Vinodolskog zakona. Iz svega naprijed konstatiranog vidi se da između spomenutog čl. 30 Vinodolskog zakona i odgovarajućih propisa Riječkog statuta (rub. 15-ib. III) nema skoro nikakve sličnosti izuzev okolnosti što i jedan i drugi propisuju pojačanu krivično-pravnu zaštitu za izvjestan krug određenih funkcionera. Po svim ostatim pitanjima razlike su među

75) Pri ocjeni ovog pitanja i radi pravilnog tumačenja treba uvijek imati na umu čitav tekst člana 30 Vinodolskog zakona, jer se član 30 V. Z. odnosi na »zasjedanje«, a napadi (i njihove posljedice) koji proističu iz takvog zasjedanja mogli su biti različiti. Otuda, s obzirom na učine i njihove posljedice, iz ovog »zasjedanja« moglo je da proistekne ubistvo, teška ili laka tjelesna povreda napadnutih funkcionera.

76) Visina novčane kazne određena je propisom koji kaže: »... platit držan je polovica ...«, pri čemu se misli na polovicu kazne određene za djelo koje u tekstu čl. 30 V. Z. predbodi ovom djelu (»zasjedanje«), a za koje je predviđena novčana kazna u iznosu od 50 libara. Prema tome kazna za ovo djelo ima iznositi 25 libara (polovicu od 50 libara).

77) O svim ovim deliktima vidjeti detaljno u mojoj studiji »Krivična djela protiv života i tijela u srednjovjekovnoj Rijeci», na str. 168–173.

78) U takvim slučajevima kazne se dupliraju. Detaljnije vidjeti: ibidem, na str. 173–175.

njima toliko velike da je teško i pretpostaviti da se je Riječki statut makar i djelomično mogao u ovom pogledu poslužiti mnogo ranijim Vinodolskim zakonom kao uzorom bilo po kom ozbilnjijem pitanju.

3. Bijenje, ranjavanje i tučnjava među kmetovima

Na ovo krivično djelo odnosi se čitav propis čl. 25 Vinodolskog zakona, koji glasi:

»Ošće: od bienja, ranjenja i od stučenja meju kmeti nij band nego soldini 40, ke krvac ima platiti knezu, o onomu ki bude bien 2 brava ter likariju. A to takoe od satnika i grašćika i busovića, ki v sih esut pod zakon i pod pravdu kmetsku, a ne od s(lu)žabniki i po zakonu kmetšćkomu sudet se i nim est za uražene za dovole učineno«.⁷⁹⁾

I subjekt (aktivni) i objekt (pasivni subjekt) ovog djela može biti samo kmet, pri čemu su s kmetovima izjednačeni i grašćik i busović, kao niži općinski službenici. Radnja izvršena sastoji se u »bijenju, ranjavanju ili tučnjavi među kmetovima«. Vrsta i obim nastupljelih posljedica (koje inače, po prirodi stvari, mogu da budu raznolike) ne predstavljaju elemente bića ovog krivičnog djela, pod uslovom da se javljaju uvijek kao rezultat odnosnog »bijenja, ranjavanja ili tučnjave među kmetovima«. Za postojanje djela traži se bilo koja od ovih radnji. Djelo se može počiniti samo umišljajno i aktivnim činjenjem (komisivni delikt) što proizlazi iz same prirode djela.

Kazna je imovinska i sastoji se iz dva dijela: novčane kazne i imovinske kazne u naturi: dva brava, pri čemu novčana kazna ide u korist kneževa fiska (javno-pravna kazna), a druga imovinska kazna, u naturi, u korist oštećenog lica (privatno-pravna kazna). Za novčanu (javno-pravnu) kaznu propisom je određen samo maksimum: 40 soldina, koji se ni u kom slučaju ne smije preći,⁸⁰⁾ dok je imovinska kazna u naturi (privatno-pravna kazna) određena fiksno i po vrsti i po mjeri i iznosi uvijek dva brava. U smislu naknade i onog dijela štete koja je neposredno proistekla iz učinjenog djela zakon obavezuje izvršioca da snosi i troškove koje oštećeni ima oko nabavke lijekova.

Ako bacimo pogled na propise Riječkog statuta (rub. 8 — lib. III) koji se odnose na bilo koje djelo iz grupe lakih tjelesnih povreda nanesenih običnim licima (građanima, stanovnicima ili distriktaulcima) i uporedimo ih s propisom člana 25 Vinodolskog zakona uočit ćemo odmah velike razlike. Prije svega Riječki statut je poznavao jako velik broj

79) Ili u prevodu na današnji jezik: »Za bijenje, ranjenje i za tučnjavu među kmetovima ne iznosi osuda više od četrdeset soldina, koje ima krivac platiti knezu, a onome, koji bude bijen, dva brava i lijekove. A to vrijedi i za satnika, grašćika i busovića, koji u ovom potpadaju pod zakon i pravo kmetova, a ne (pod zakon i pravo) kneževskih službenika i po zakonima kmetskimima ima im se suditi, i time je njima za povredu dana zadovoljština«. (Tekst i prevod na današnji jezik citirani prema dr Kostrenčiću: op. cit., str. 149 i 167). »Grašćik« i »busović« = niži općinski službenici. Za »grašćikac« dr Kostrenčić kaže da odgovara pojmu kastelana, a za »busovića« da je bio općinski dobošar koji je objavljivao naloge pretpostavljenih općinskih organa (vidi dr M. Kostrenčić: op. cit., str. 198 i famo naznačenu literaturu).

80) Određivanje mjere kazne u okviru određenog maksimuma vrši se prema ocjeni suda, uvez u obzir stepen društvene opasnosti djela i izvršioca, posmatrano kroz težinu konkretnog učina, težinu nastupanje posljedice i ostalih okolnosti koje sud u svakom konkretnom slučaju smatra važnim.

krivičnih djela lakih tjelesnih povreda zadatih običnim građanima, stanovnicima ili distriktaalcima, a ova djela se međusobno razlikuju i po elementima bića i po kazni. Vinodolski pak zakon regulira ove učine svega jednim jedinim zakonskim članom, pri čemu su elementi bića (baš radi toga) postavljeni veoma široko. Riječki je statut nadalje u masi slučajeva odvojeno normirao teške tjelesne povrede, a odvojeno lake, određujući za teške povrede znatno oštirije kazne od onih za lake tjelesne povrede. Vinodolski zakon ne poznaje čak ni tu razliku između teških i lakih tjelesnih povreda, nego sve zajedno rješava jednim jedinim propisom — čl. 25 V. Z. Na koncu, kazne koje propisuje Riječki statut imaju javni karakter, dok Vinodolski zakon za te slučajeve predviđa kombiniranu imovinsku kaznu koja istovremeno ima i javni (u jednom svom dijelu) i privatni karakter (u drugom dijelu). Prema tome između člana 25. V. Z. i odgovarajućih propisa Riječkog statuta nema skoro nikakve sličnosti, izuzev što se i jedni i drugi odnose na tjelesne povrede.⁸¹⁾

B) PO PROPISIMA KASTAVSKOG STATUTA

1. Zadavanje udarca ili posjekotine

Ovo djelo regulirano je propisom kapitula 9 Kastavskog statuta, koji glasi:

»Ošće, od svakoga udarca, ki bi udril ili posekal, plaća peni libar dvajset i pet. Ako bi likarie potriba posečenomu, i za stanje vrimena, plaća ki udri ali poseče«.⁸²⁾

Kastavski statut ne pravi uopće razliku bilo kod kojih djela između običnih i kvalificiranih objekata (pasivnih subjekata), pa funkcioneri nisu ni u jednom slučaju posebno i jače zaštićeni. Stoga i kod ovog delikta objekt (pasivni subjekt) može biti bilo koje lice, a to isto vrijedi i za subjekt (aktivni) djela u pitanju. Učin se sastoji u zadavanju udarca ili posjekotine, bez obzira kakav je bio konkretni način izvršenja.⁸³⁾ Zadavanje jednog udarca ili zadavanje jedne posjekotine čini jedno krivično djelo u pitanju, pa u svakom konkretnom slučaju postoji onoliko kažnjičnih djela koliko je udaraca zadato, odnosno koliko je posjekotina naneseno napadnutom licu. Za svaki udarac posebno, kao i za svaku posjekotinu posebno, kazna iznosi 25 libara. Ukupna pak kazna (konačni iznos) određuje se na način što bi se izvršilo zbrajanje zadatih udaraca i nanesenih posjekotina pa se ovaj zbir množio sa 25. Dobijeni broj označavao je ukupnu sumu novčane kazne u lirama. Izvršilac je pored toga

81) Nema sumnje da se Riječki statut ni po ovom pitanju nije mogao prilikom svog nastajanja ni za trenutak nasloniti ili ugledati na ove tada već znatno zastarjele propise Vinodolskog zakona.

82) Tekst citiran prema Monumenta historico-juridica Slavorum Meridionalium, pars I, vol. IV: Statuta lingua croatica conscripta, Zagreb 1890., str. 182.
Uz izraz »stanje vrimena« dato je objašnjenje na talijanskom: «le giornate, che perde» (»nadiane koje gubi«) — ibidem, str. 182, bilješka 9).

83) S obzirom na konkretni način izvršenja udarac ili posjekotina mogu se nanijeti na razne načine i raznim sredstvima: šakom, pesnicom, štapom, gvozdenim ili kamenim predmetom itd., itd.

bio dužan da oštećenome naknadi troškove oko liječenja, kao i izmaklu dobit za sve vrijeme njegove nesposobnosti za rad (naravno, pod uslovom da je nesposobnost nastupila kao posljedica dobijenih udaraca ili posjekotina).

Između ovog djela i djela iz čl. 25 Vinodolskog zakona postoje izvjesne sličnosti, ali i znatne razlike. Sličnosti su, kako u elementima bića ovih dvaju krivičnih djela tako i u tome što je u oba slučaja djelo zaprijećeno imovinskom kaznom, a izvršilac je poviše toga dužan da oštećenome naknadi troškove liječenja. No i razlike su među njima znatne. Prije svega, Vinodolski zakon za odnosno djelo određuje gornju granicu kazne koja ni u kom slučaju ne smije preći iznos od 40 soldina, dok Kastavski statut takvu granicu ne postavlja već naprotiv za svaki udarac i za svaku posjekotinu posebno određuje po 25 lira kazne, što znači da u pojedinim konkretnim slučajevima (ovisno o broju udaraca i broju posjekotina) ukupni iznos novčane kazne može biti neograničeno velik. Osim toga Vinodolski zakon, mada, istina, određuje za ovo djelo također imovinsku kaznu, ona je kombinirana iz dva dijela i to: prvog dijela koji čini čistu novčanu kaznu javno-pravnog karaktera i drugog dijela koji čini imovinsku kaznu u naturi privatno-pravnog karaktera. Kastavski statut, međutim, prihvata jedinstvenu imovinsku kaznu javno-pravnog karaktera, a oštećenom određuje obeštećenje u sasvim drugačijoj formi tj. u formi naknade izmakle dobiti. Radi svega toga Kastavski statut se pokazuje u ovom pogledu daleko naprednjim od starog Vinodolskog zakona, što je i sasvim razumljivo.

Da bacimo sada i jedan letimičan pogled na riječko krivično pravo XVI stoljeća (prema Statutu iz 1530. godine) i da ukažemo u najbitnijim crtama na eventualne sličnosti i razlike.⁸⁴⁾

Između odgovarajućih propisa Riječkog statuta i propisa kapitula 9 Kastavskog statuta ima nekih dodirnih tačaka. Sličnost je posebno izrazita po pitanju vrste kazni, jer i Riječki statut, baš kao i Kastavski, za djela lakih tjelesnih povreda izvršena nad običnim objektima, propisuju novčane kazne. Također i u jednom i u drugom slučaju ove kazne imaju isključivo javno-pravni karakter, što govori nesumnjivo o znatnom napretku u odnosu na stari Vinodolski zakon. Sličnost postoji isto tako i u predviđenom načinu odmjeravanja kazni. Tako kapitol 9 Kastavskog statuta poznae onaj isti princip kojeg prihvata i većina propisa Riječkog statuta u odnosu na lake tjelesne povrede: da se mjera kazne određuje prema broju zadatih udaraca, pri čemu je iznos novčane kazne propisan po udarcu. Međutim, između ova dva statuta postoje i znatne razlike. Tako, dok Riječki statut u mnogo slučajeva odvaja teške od lakih tjelesnih povreda (cijeneći prema težini posljedice, koja je u propisu istaknuta i predstavlja konstitutivni elemenat bića), poznae mnogo vrsta krivičnih djela lakih tjelesnih povreda i odvaja lake tjelesne povrede nanesene običnim licima⁸⁵⁾ od lakih tjelesnih povreda nenesenih

84) Vidjeti odgovarajuća djela u rub. 8-lib. III Riječkog statuta iz 1530. god. Detaljnu razradu ovih djela vidjeti u mojoj spomenutoj radnji »Krivična djela protiv života i tijela u srednjovjekovnoj Rijeci«, na str. 139—164.

85) Rub. 8-lib. III Riječkog statuta.

kvalificiranim objektima, tj. određenim općinskim funkcionerima,⁸⁶⁾ do-tle svega toga u Kastavskom statutu nema. No ove činjenice ne bi nas smjele navesti na olako donošenje zaključka da stari Kastav uopće nije poznavao ili prihvaćao ono što ne nalazimo među pozitivnim propisima njegovog Statuta. Treba pri tom imati na umu da ovaj Statut ne predstavlja dovoljno kompletan kodeks cjelokupnog prava starog Kastva, jer su mnoga pitanja u Kastvu i kasnije, nakon donošenja Kastavskog statuta, ostala i nadalje regulirana običajnim pravom. To dalje znači da po pitanjima koja pisano pravo starog Kastva ne regulira (ili pak samo djelomično regulira) ne možemo dati dovoljno određen odgovor: da li su ta pitanja i kako bila možda regulirana običajnim pravom. Sledstveno tome ne možemo posigurno tvrditi da li je po tim istim pitanjima između Rijeke i Kastva bilo razlika ili sličnosti i u čemu su se one zapravo sastojale, jer praznine i djelimične šupljine u pisanih pravu Kastva nikako ne možemo uzeti kao apsolutne šupljine prava toga kraja, nego jedino kao relativne praznine i to isključivo u odnosu na pisano pravo. Nadalje, kod djela tjelesne povrede iz kapitula 9 Kastavskog statuta upada u oči propis koji napadnutom licu daje pravo da u krivičnom postupku ostvaruje svu naknadu štete koja mu je prouzrokovana djelom u pitanju. Pri tom se ide toliko daleko da se pod pojmom štete podrazumijeva ne samo trošak oko liječenja i lijekova, nego čak i izmakla dobit zbog izgubljenog vremena. Ideničan slučaj imamo i kod nekoliko krivičnih djela lakih tjelesnih povreda iz rub. 8-lib. III Riječkog statuta, kod kojih je propisima izrično predviđeno da počinilac ima napadnutom licu naknaditi sve troškove i izgubljeno vrijeme.⁸⁷⁾ Ovo predstavlja također jednu veoma interesantnu sličnost između Kastavskog i Riječkog statuta i pokazuje identičnost zakonodavčevog shvatanja po ovom pitanju i kod jednog i kod drugog pravnog spomenika. Relativna vremenska blizina u izdavanju jednog i drugog statuta stvorila je, dakle, i veću mogućnost mnogih dodirnih tačaka, a po nekim pitanjima, kao što je na primjer ovo, čak i potpunu identičnost pogleda.

2. Bijenje na vlastitom posjedu

Kapitul 19 Kastavskog statuta sadrži za ovo djelo slijedeći propis: »Ki bi koga bil a na svojem, plaća penu libar pedeset«.⁸⁸⁾

Subjekt i objekt ovog krivičnog djela može biti bilo koje lice, dok se radnja izvršenja sastoji u bijenju, pri čemu je irelevantan konkretni način izvršenja ove radnje.⁸⁹⁾ Bitni, konstitutivni elemenat bića ovog krivičnog djela čini okolnost da se napadnuto lice (objekat — pasivni subjekat krivičnog djela) u momentu napada mora nalaziti na svom po-

86) Za ove delikte vidjeti propise u rub. 15-lib. III Riječkog statuta. Detaljnu razradu ovih delikata vidjeti u spomenutoj mojoj studiji »Krivična dejta protiv života i tijela...«, na str. 168—176.

87) O svim ovim djelima prema Riječkom statutu detaljnije: ibidem, na str. 140—147.

88) Tekst citiran prema Monumenta historico-juridica Slavorum Meridionalium, pars I, vol. IV: Statuta lingua croatica conscripta, str. 183.

89) »Bijenje se može praktično izvršiti na više načina (na primjer: šakom, pesnicom, nogom, šibom ili prutom, motkom itd., itd.).

sjedu (u svojoj kući ili dvorištu, na svojoj njivi ili sl.). Kazna je novčana, javno-pravne prirode i iznosi pedeset libara. Iz visine propisane novčane kazne vidi se da je ovo krivično djelo smatrano prilično teškim. To dolazi svakako od shvatanja da svatko treba na svom posjedu da bude u izvjesnom smislu »neprikosnoven«, pa radi toga i krivično-pranim normama pojačano zaštićen od eventualnih napadača.

Ni Vinodolski zakon, ni Riječki statut nisu poznavali isto ili slično krivično djelo.

C) PO PROPISIMA VEPRINAČKOG STATUTA

1. Zadavanje udarca vijećniku

Ovo djelo predviđeno je propisom tač. 12 Veprinačkog statuta, tačnije: jednim njegovim fragmentom⁹⁰⁾ koji glasi:

»Ki bi svetnika udril, ali na nega posegal . . . za(pa)da 50 l(i)b(a)r.⁹¹⁾

Navedenim propisom Veprinački statut posebno odvaja djelo »zadavanja udarca vijećniku«, kao djelo tjelesne povrede izvršeno nad kvalificiranim objektom.⁹²⁾

Kod ovog krivičnog djela objekt (pasivni subjekt) može biti samo »svetnik«, a subjekt bilo koje lice. Radnjom izvršenja može biti svaki udarac, bez obzira na konkretni način izvršenja ovog učina, na kom je dijelu tijela udarac zadat i kakva je posljedica ovim udarcem nanesena. Kazna je novčana, fiksno određena i iznosi pedeset libara.

Ovdje posebno treba istaći da je ovim statutarnim propisom određeno kažnjavanje i za pokušaj (»... ali na nega posegal ...«), pri čemu se za pokušaj kažnjava jednakom kao i za svršeno djelo.

Iz izloženog vidimo da i u Veprincu kod ovog krivičnog djela nalazimo isto kao i u Vinodolu i Rijeci, pojačanu krivično-pravnu zaštitu za određene funkcionere. Razlika je samo u tome što su u Vinodolu ovu pojačanu zaštitu uživali podknežin, njegovi službenici i permani, u Veprincu samo vijećnici (»svetnici«), dok je u Rijeci ovom pojačanom zaštitom obuhvaćen neuporedivo veći krug funkcionera. Kod svih njih zajedničko je to što je kažna za djela lakin tjelesnih povreda izvršena nad kvalificiranim objektima znatno veća od kazni predviđenih za istovrsna djela počinjena nad običnim objektima. Uzroci ove pojave također su isti kod svih ovih starih kodeksa (interesi zemaljskih gospodara i vladajućih krugova za pojačanom pravnom zaštitom nosilaca vlasti). Razlike su među njima jedino u vrsti i broju predviđenih djela lakin tjelesnih povreda, u elementima bića za pojedinu od njih i u iznosima

90) Drugi fragment tač. 12 Veprinačkog statuta odnosi se na krivično djelo uvrede vijećnika i o ovom deliktu ovom prilikom neće biti govora.

91) Citirano prema Monumenta historico-juridica . . . , Statuta lingua croatica conscripta, str. 213.

92) »Svetnike u navedenom statutarnom tekstu treba shvatiti kao »consiliarius« (ibidem, na str. 261, pod »svetnik«).

novčanih kazni. S druge strane zajedničko je među svim ovim starim zakonskim spomenicima i to što je za sva krivična djela lakih tjelesnih povreda uopće propisana novčana kazna. Izuzetak nalazimo samo u Riječkom statutu u pogledu djela zadavanja udarca kapetanu s okrvavljenjem, za koje djelo je propisana i tjelesna kazna odsijecanjem desne ruke s vječnim progonom iz Rijeke i njenog distrikta, kao i za djelo zadavanja udarca vikariju s okrvavljenjem, za koje je djelo, pored novčane kazne, propisana i tjelesna kazna od šest udaraca konopom.

2. Udaranje do krvi

Tačka 14 Veprinačkog statuta određuje:

»Ki bi do krvi udril, zapada 1 marku«.⁹³⁾

Subjekt i objekt ovog krivičnog djela može biti bilo koje lice. Radnja izvršenja sastoji se u zadavanju udarca s okrvavljenjem (»... do krvi...«), pri čemu je bez značaja konkretni način izvršenja ovog učinka. Kazna je novčana, strogo fiksirana i iznosi jednu marku.⁹⁴⁾

3. Udaranje dlanom

Tačka 16 Veprinačkog statuta sadrži propise koji se odnose kako na ovo djelo, tako i na djelo koje ćemo izložiti niže pod 4⁹⁵⁾) Na ovo pak djelo odnosi se prvi fragment tačke 16 Veprinačkog statuta koji glasi:

»Ki bi dlanu udril plašća 5 marak...«.

U pogledu subjekta (aktivnog) i objekta (pasivnog subjekta) djela u pitanju vrijedi sve ono što je već rečeno kod prethodnog djela. Radnja izvršenja sastoji se u udaranju napadnutog lica dlanom, pri čemu bi se na prvi pogled reklo da jn irelevantno koji dio tijela je bio izložen napadu (udarcu). Ipak, po svemu sudeći, čini nam se da je udarac trebao biti zadan po licu napadnutog. Očigledno je da se radi o lakoj tjelesnoj povredi, bez ikakvih znatnijih oštećenja napadnutog lica. Kazna je novčana, fiksno određena i iznosi pet maraka.

Ono što kod ovog djela (uporedivši ga sa djelom udaranja do krvi) odmah upada u oči jeste očigledna nesrazmjera između težine djela i visine (mjere) kazne. Naime, posmatrajući oba djela samo kao laki tjelesne povrede (dakle, isključivo kao delikte protiv tijela) neosporno i sigurno se može zaključiti da je djelo udaranja do krvi znatno teže negoli djelo udaranja dlanom, jer prvo djelo u znatno jačoj mjeri ugrožava tjelesni integritet napadnutog lica (okrvavljenje) negoli drugo djelo. Pa ipak je drugo djelo zaprijećeno znatno oštrijom kaznom nego prvo.

93) Tekst citiran prema Monumenta historico-juridica Slavorum Meridionalium: Statuta lingua croatica conscripta, str. 213.

94) Upoređenja ovog djela, kao i djela o kojima će niže biti riječi pod 3 i 4, s odgovarajućim propisima Vinodolskog zakona, Kastavskog i Riječkog statuta dat ćemo na kraju, zajednički za sva tri djela.

95) Tač. 16 Veprinačkog statuta u cijelosti glasi: »Ki bi dlanu udril plašća 5 marak. Ki bi pestu ili kamikom udril, plašća 1 marku. — Tekst citiran prema Monumenta historico-juridica , Statuta lingua croatica conscripta, str. 213.

Reklo bi se na prvi pogled da se radi o međusobnoj nelogičnosti ovih dvaju statutarnih propisa, ali nije tako. Odgovor na ovo pitanje leži u slijedećem.

Djelo udaranja do krvi predstavlja čisto djelo lake tjelesne povrede i po svojoj posljedici i po umišljaju izvršioca. Međutim, nije isti slučaj i s djelom udaranja dlanom. Ovo djelo imalo je dvije oštice. Tačnije: ovaj način uzrokovao je uvijek dvije posljedice i to jednu (mnogo manju po važnosti i težini, prema ondašnjem shvaćanju) koja se sastojala u ugrožavanju tjelesnog integriteta napadnutog lica, i drugu (mnogo veću po težini i važnosti prema istom shvaćanju) koja se sastojala u povredi nanesenoj časti i ugledu napadnutog lica.⁹⁶⁾ Otuda je ovo djelo smatrano neuporedivo težim, kako od djela udaranja do krvi (o kojem je naprijed bilo riječi pod 2), tako i od djela udaranja pesnicom ili kamenom (o kojemu odmah niže).

4. Udaranje pesnicom ili kamenom

Na ovo djelo odnosi se drugi fragment tačke 16 Veprinačkog statuta, koji glasi:

».... Ki bi pestu ili kamikom udril, plašća 1 marku.«

U pogledu subjekta i objekta ovog krivičnog djela vrijedi sve ono što je već rečeno kod predhodna dva djela. Radnja izvršenja sastoji se u zadavanju udarca napadnutom licu pesnicom ili kamenom. Irrelevantno je na kojem dijelu tijela je udarac zadan, kao i kakvu je konkretnu posljedicu ovaj udarac izazvao na tijelu oštećenog (napadnutog) lica. Kazna je novčana, fiksno određena i iznosi jednu marku (baš kao i kod krivičnog djela udaranja do krvi).

Među svim ovim starim kodeksima starohrvatskog prava (Vinodolski zakon, Kastavski, Veprinački, Riječki, Trsatski i Mošćenički statut) zajedničko je to što je kod svih njih i za sva krivična djela lakih tjelesnih povreda nanesenih običnim objektima (pasivnim subjektima) propisana novčana kazna. Razlike su, kako po broju i vrsti predviđenih lakih tjelesnih povreda, tako i po elementima bića za pojedine od njih, kao i u pogledu samih iznosa novčanih kazni. Najzad, Veprinački statut ne pravi nikakvu diferenciju između teških i lakih tjelesnih povreda, kao što ni Kastavski ni Trsatski statut, dok Mošćenički statut samo u jednom slučaju,⁹⁷⁾ a Riječki statut u većini slučajeva pravi ovu razliku bez obzira koja su lica napadnuta.⁹⁸⁾ Vinodolski pak zakon posebno odvaja teške tjelesne povrede jedino u odnosu na kvalificirane objekte (podknežin, službenici, permani), dok u odnosu na kmetove ne pravi također nikakve razlike između lakih i teških tjelesnih povreda.

96) Upravo ovo i jeste glavni razlog koji nas navodi na zaključak da je udarac dlanom trebao biti zadan po licu.

97) Mošćenički statut odvaja samo krivično djelo zadavanja udarca vijećniku.

98) Tj. kako tamo gdje je napad izvršen nad kvalificiranim objektom, tako i tamo gdje je napad izvršen nad običnim građaninom, stanovnikom ili distriktaulcem.

D) PO PROPISIMA TRSATSKOG STATUTA

Bijenje, tučenje i ozljeda sa okrvavljenjem

Na ovo djelo odnose se propisi tač. 17 Trsatskog statuta, koja glasi: »Ako bi ki koga bil, tukal, porazil do krví: gre gospodinu 1. 6, da ima pravda sesti i suditi za rane i njega likarie, platiti škodu i dangubi, ča bi mogal dobiti«.⁹⁹⁾

Subjekt (aktivni) kod ovog krivičnog djela, kao i objekt (pasivni subjekt), može biti bilo koje lice. Po prirodi svojoj djelo je umišljajno, a radnja izvršenja sastoji se u bijenju, tučenju i ozleđivanju s okrvavljenjem. Konkretni način radnje »bijenja« ili »tučenja« nije važan,¹⁰⁰⁾ a također ni konkretni način izvršenja »ozleđenja s okrvavljenjem«. Kod »bijenja« ili »tučenja« tražena posljedica je nastupila u momentu izvršenja udarca, a kod »ozleđenja s okrvavljenjem« u momentu kad je nastupilo krvarenje (veličina i intenzitet ovog krvarenja također nije od važnosti i djelo postoji kako u slučaju velikih krvarenja tako i u slučaju obične ogrebotine kod koje se pokazala krv). Kazna je za ovo djelo novčana, javno-pravne je prirode, fiksno određena i iznosi šest libara. Osim ovoga sud ima posebno da procijeni nanesene rane i da za njih oštećenom odredi naknadu, čija je visina zavisila od ocjene suda, a ova ocjena opet je zavisila od broja, vrste i težine zadatih rana. Pored ovoga oštećenom je pripadala naknada troškova liječenja kao i naknada svih eventualnih drugih šteta i danguba¹⁰¹⁾ koje bi bile u vezi s ovim povredama.

Između Trsatskog, Veprinačkog i Kastavskog statuta, a dijelom i Vinodolskog zakona¹⁰²⁾ zajedničko je što nijedan od ovih starih kodeksa ne pravi razliku između teških i lakih tjelesnih povreda. Konkretna posljedica (koja bi se očitovala u određenom stupnju nanijete povrede) sasvim je irelevantna i kazna je bivala uvijek ista za laku i za tešku povodu, pod uslovom da su ispunjeni svi ostali elemniti bića. Pošto je Riječki statut iz 1530. godine — mada stariji od Trsatskog statuta za punih 110 godina — pravio sasvim dobro razliku između lakih i teških tjelesnih povreda, postavlja se pitanje: što bi bio uzrok da je Riječki statut po ovom pitanju bio daleko napredniji od Trsatskog statuta, koji je donesen punih 110 godina kasnije. Smatramo da uzrok zaostalosti propisa Trsatskog statuta po ovom pitanju¹⁰³⁾ leži u (či)njenicu što Trsatski statut ne predstavlja sasvim novi kodeks prava, koji bi zaista bio proizvod vremena u kom je ponikao, nego u stavri predstavlja samo Vindolski zakon »znovič učinjen«. Istina, u Trsatskom statutu učinjeno je

99) Propis citiran prema *Monumenta historico-juridica . . . , Statuta lingua croatica conscripta*, str. 221.

Izraz »poraziti« treba shvatiti kao »ozlijediti« (vidi Mažuranić: *Prinosi za hrvatski pravno-povjestni rječnik*, str. 1006–1007, pod »poraziti«).

100) Po prirodi stvari to može biti na primjer: udaranje dlanom, pesnicom, nogom, palicom itd., itd.

101) Pod »dangubama« treba podrazumijevati izmaklu dobit, koju bi, u redovnim prilikama i da nije bio ranjen, oštećeni u odnosnom periodu njegove nesposobnosti za rad inače mogao ostvariti (» . . . ča bi mogal dobiti«).

102) Kod Vinodolskog zakona — koliko se odnosi na tjelesne povrede zadane kmetovima.

103) Uostalom, Trsatski statut zaostajeiza Riječkog statuta i po mnogim drugim pitanjima.

prilično promjena u odnosu na mnoge ranije propise Vinodolskog zakona, ali se tvorac Trsatskog statuta, pri njegovom stvaranju, i suviše držao njegove stare osnovice, što mu je očigledno smetalo da po mnogim pitanjima istupi progresivnije. Stoga se upravo, posmatrajući tekst Trsatskog statuta, dobija dojam da se ne radi o jednom pravnom spomeniku iz sredine XVII stoljeća, nego prije o spomeniku iz XIV ili XV stoljeća. On u stvari predstavlja mješavinu pravnih shvatanja izloženih u starom Vinodolskom zakonu i onih iz polovice XVII stoljeća, pri čemu je njegova prevelika vezanost za staru osnovicu (Vinodolski zakon) učinila da u ovom kodeksu skoro uopće ne dođu (ili pak dođu sa svim neznatno) do izražaja pravna svijest i pravna shvatanja koja su u XVII stoljeću bila svakako daleko naprednija negoli u vrijeme donošenja Vinodolskog zakona. To je, po našem mišljenju, pravi razlog što je Riječki statut — iako za više od jednog stoljeća stariji — po ovim pitanjima (i ne samo po ovim pitanjima već i po mnogim drugim) daleko napredniji od mnogo mlađeg Trsatskog statuta.

Što se pak tiče vrste kazni za djela lakih tjelesnih povreda vlada uglavnom istovjetnost pogleda. Tako je novčana kazna po propisima svih ovih starih kodeksa prihvaćena kao kazna za sve lake tjelesne povrede, razumljivo, s manjim ili većim razlikama u mjeri propisane kazne. Izuzetak (tj. razliku u pogledu spomenute vrste kazne) čine samo neki propisi rub. 15—ib. III Riječkog statuta, koji predviđaju tjelesnu kaznu za lake tjelesne povrede nanesene određenim općinskim funkcione-rima.¹⁰⁴⁾ Na koncu, između Trsatskog, Kastavskog i Riječkog statuta (kod ovog zadnjeg samo u pogledu određenog broja djela ove vsti) postoji identičnost shvatanja u pogledu prava napadnutog lica da u kričnom postupku ostvaruje naknadu štete pričinjene mu od strane napadača zadavanjem dotične tjelesne povrede. Naime, tačkom 17 Trsatskog statuta, kao god i kapitolom 9 Kastavskog statuta i odgovarajućim propisima rub. 8-lib. III Riječkog statuta, predviđena je obaveza počinjoca delikta da napadnutom licu nadoknadi štetu i troškove, pri čemu se ide čak tako daleko da se pored faktičnih troškova (oko liječenja i lijekova i sl.) u štetu obračunava i sva izmakla dobit zbog izgubljenog vremena. Ove, kao i mnogobrojne druge zajedničke crte koje postoje među ovim stariim kodeksima, govore o istovjetnosti ili sličnosti pogleda po mnogim pitanjima, koji su se uspjeli održati kroz veoma dugačak vremenski period i koje zajedničke crte u svim ovim stariim kodeksima u izvjesnom smislu otkrivaju tipičan karakter starohrvatskog prava.

E) PO PROPISIMA MOŠČENIČKOG STATUTA

1. Teška tjelesna povreda kvalificirana smrću

Ovo je ujedno i jedini slučaj gdje Moščenički statut jasno pravi razliku i izdvaja djelo teške tjelesne povrede iz grupe ostalih tjelesnih povreda. Na ovo djelo odnosi se slijedeći statutarni propis, koji glasi:

104) O ovim deliktima vidjeti detaljno u mojoj studiji »Krivična djela protiv života i tijela . . . , na str. 168—172.

»... Kadessu uellike, i smertne rani, da imasse castigat dupplo, alle uech, kako prauda obnaide ...«¹⁰⁵⁾

Ovaj fragment naslanja se na prethodni fragment, koji je potrebno također imati pred očima (mada on govori o drugom krivičnom djelu), a koji glasi: »... I kadagie ki udren do keruui, ima bit kastigan slodelnik na L 25...«. Ovaj prethodni statutarni fragment potrebno je imati pred očima naročito kad se govori o kazni za djelo teške tjelesne povrede kvalificirane smrću, a također i kada se govori o elementima bića.

Kako objekt (pasivni subjekt) tako i subjekt ovog krivičnog djela može biti bilo koje lice. Radnja izvršenja sastoje se u zadavanju udarca »do krvii«. Inače, konkretan način izvršenja (s obzirom na vrijeme, sredstvo izvršenja, prilike pod kojima je udarac zadat i dr.) nije od značaja. Rana treba da je »velika i smrtna«, što znači da je zadati udarac bio u posrednoj uzročnoj vezi s kasnije nastupnjelom smrću napadnutog lica.¹⁰⁶⁾

Kazna se ravna prema prethodno spomenutom djelu »zadavanja udarca s okrvavljenjem« i čini duplu novčanu kaznu predviđenu za spomenuto djelo. Kako je za djelo zadavanja udarca s okrvavljenjem predviđena novčana kazna od 25 libara, to bi novčana kazna za ovo djelo iznosila 50 libara. Međutim, sud nije vezan ovakovom vrstom i mjerom kazne (koja je u propisu naznačena samo kao minimum ispod kojeg sud ne može ići) već prema vlastitoj ocjeni može odrediti i težu vrstu i mjeru kazne.

Vinodolski zakon, kao ni Kastavski, Veprinački i Trsatski statut, ne poznaje sličnog krivičnog djela, pa je najvjerojatnije da su oni ove učine smatrali djelima ubistva i kao takve ih i kažnjavali. Riječki pak statut iz 1530. godine¹⁰⁷⁾ sadržavao je jedan posebni propis koji je tretirao neka pitanja u vezi s deliktom teške tjelesne povrede kvalificirane smrću. Međutim, u pogledu krivice i kazne izvršioca statut nije pravio nikakvu razliku između izvršioca ovog djela i izvršioca djela ubistva, pa je stoga i odgovarajuću odredbu izložio u rub. 7 (lib. III), koja se inače odnosi na ubistva.¹⁰⁸⁾ No ovaj fragment rub. 7-lib. III Riječkog statuta predstavlja je ipak izvjestan korak naprijed u težnji da se ostave za sobom i prevaziđu stara pravna shvatanja iz vremena kada se djelo cijenilo isključivo prema posljedici, dok su subjektivni momenti bili potpuno ili skoro potpuno ignorirani. Statut riječki iz 1530. godine ima više takvih pokušaja (među kojima nekih i vrlo uspjelih), ali konkretno kod ovog djela Sta-

105) Str. 20. Mošć. zakona: Regula, i Zapouedi . . . , tač. 7.

U današnjem jeziku ovaj propis bi glasio:

»... Gdje su velike i smrte rane, da se ima kazniti duplo ili još više, kako pravda odredi . . .«

106) Između djela teške tjelesne povrede kvalificirane smrću i djela protivpravnog lišenja života (ubistva) postoje dvije bitne razlike i to: u subjektivnom i u objektivnom momentu. Razlika u objektivnom mometu očituje se u tome što je kod djela protivpravnog lišenja života potrebno uvijek da se smrt napadnutog lica javlja kao neposredna posljedica radnje izvršenja, dok je kod djela teške tjelesne povrede kvalificirane smrću potrebno da je smrt napadnutog lica nastupila zbog neke konkretnе posljedice, koja je oper nastupila od nanesene teške tjelesne povrede (posredna posljedica radnje izvršenja). Sto se tiče subjektivnog momenta, razlika je u umišljaju. Tako je za ovo djelo potrebno da je umišljajem počinjocia bila obuhvaćena samo tjelesna povreda napadnutog lica, a ne i njegovo usmrćenje, pa će ovo djelo postojati ako je smrt napadnutog proizašla iz nehata izvršioca (u odnosu na krajnju posljedicu — smrt). U protivnom radilo bi se o djelu protivpravnog lišenja života (ubistva).

107) Vidi odgovarajući fragment rub. 7-lib III Statuta riječkog iz 1530. godine.

108) Statutum terrae fluminis anno MDXXX, Lib. III — rub. 7: De homicidio . . . , fol. 47.

tut je zastao napola, učinivši samo jedan polovičan pokušaj koji se sastojao u spominjanju ovog delikta odvojeno od djela ubistva, ali i zaustavljujući se kod toga umjesto da je takvog izvršioca i u pogledu krivice i kazne tretirao drugačije negoli izvršioca djela ubistva. Tako je praktično značaj ovog pokušaja Riječkog statuta izostao, jer je počinilac ovog delikta jednako kažnjavan kao i izvršilac ubistva (»... debeat tanquam vulnerantem seu percutientem de homicidio condemnare...«). Mošćenički statut u ovom pogledu učinio je kompletan korak naprijed. On je, nairne, djelo teške tjelesne povrede kvalificirano smrću (odvojio i odvojeno za izvršioca ovog delikta propisao vrstu i mjeru kazne (makar i samo kao minimum), ostavljajući ipak mogućnost суду да izriče i teže kazne (po vrsti i po mjeri), što znači da ovim суду nije oduzeo i praktičnu mogućnost da izvršioca kazni čak i istom vrstom i mjerom kazne kao i ubicu, ako bi po ocjeni суда (imajući u vidu sve relevantne okolnosti dotičnoga slučaja) ovaj izvršilac po svojoj društvenoj opasnosti bio jednako ili približno jednako opasan kao i ubica.

2. Zadavanje udarca vijećniku

U odnosu na ovo djelo statutarni propis kaže:

»Isto letto,¹⁰⁹⁾ ki bi udril kega od Suetnichi, pada u penu marak pet pol gre Gospode, a pol supanu.«¹¹⁰⁾

Izvršilac djela (aktivni subjekt) može biti bilo koje lice, a objekt (pasivni subjekt) samo »svetnik« (tj. općinski vijećnik), jer se radi o djelu sa kvalificiranim objektom. Radnja izvršenja sastoji se u nanošenju udarca, pri čemu je irelevantno o kakvom se udarcu radi, pa makar i da se radi o tako neznatnom udarcu koji bi (objektivno uzev) prije mogao da predstavlja realnu uvredu negoli tjelesnu povredu. Posljedica je dvojava i to je kod ovog delikta veoma važno podvući, jer se jedino tako može razumjeti prilično visoka kaznena (pogotovu kada su u pitanju najlakši slučajevi). Jedna posljedica pogađa tijelo napadnutog lica i ona se može konkretno manifestirati na bilo koji način: bol od udarca, nagnjećenost, oteklina itd., dok druga pogađa čast i ugled udarenog lica (»svetnika«) kao uvaženog općinskog funkcionera. Mislim da nećemo pogriješiti ako kažemo da je u većini slučajeva poenta morala ležati baš na ovom drugom. Iz prirode samog djela proizilazilo bi da se isto moglo izvršiti samo umišljajno. Kazna je novčana i iznosi pet maraka, od kog iznosa polovica ide gospoštiji, a polovica županu.

Kod uporednih razmatranja treba napomenuti da Mošćenički statut daje pojačanu krivično-pravnu zaštitu određenih općinskih funkcionera, baš kao i Vinodolski zakon, Riječki i Veprinački statut. Kod svih njih za ove delikte (kad se radi o lakim tjelesnim povredama) predviđena je

109) Ovaj propis donešen je 1510. godine.

110) Strana 5. rukopisa Mošć. zakona.

U današnjem jeziku ovaj propis bi glasio: »Iste godine, ko bi udario nekoga od vijećnika potpada kazni od pet maraka, od čega polovica ide gospodi, a pola županu.«

novčana kazna, s nekim izuzecima kod Riječkog statuta,¹¹¹⁾ a također su kazne znatno oštire po mjeri od kazni za istovrsne delikte izvršene nad običnim ljudima (gradanima, distriktačima, kmetovima itd.). Razlika je, naravno, u tome što su ovu pojačanu zaštitu uživali u Vinodolu podknežin, njegovi službenici i permani, u Veprincu i Mošćenicama vijećnici (»svetnici«), a u Rijeci znatno veći krug općinskih funkcionera. Uzroci ovoj pojavi u Mošćenicama isti su kao i kod ostalih spomenutih gradova i općina u doba donošenja njihovih statuta (interesi zemaljskih gospodara i vladajućih krugova za pojačanom zaštitom nosilaca vlasti).

3. Zadavanje udarca s okrvavljenjem

Odredba Mošćeničkog statuta koja se odnosi na ovaj delikt glasi:
»... I kadagie ki udren do keruui, ima bit kastigan slodelnik na L 25...«¹¹²⁾

Subjekt i objekt (pasivni subjekt) djela u pitanju može biti bilo koje lice. Radnja izvršenja sastoјi se u zadavanju udarca, pri čemu je irelevantno čime je, na koji način i na kom dijelu tijela udarac zadan,¹¹³⁾ no uvijek pod uvjetom da je dotični udarac izazvao okrvavljenje napadnutog lica, jer se okrvavljenje javlja kao direktna posljedica zadatog udarca.¹¹⁴⁾ Kazna je novčana, apsolutno određena po vrsti i mjeri, te iznosi 25 libara.

Ako radi upoređenja razmotrimo najsličnija djela po propisima statuta ostalih susjednih gradova i općina¹¹⁵⁾ nalazimo među njima prilično sličnosti, kako u elementima bića tako i u vrsti propisane kazne (kazne su uvijek novčane), a negdje čak i u mjeri kazne.¹¹⁶⁾ Naravno, tamo gdje neki statuti kod istovrsnih djela odvajaju djela izvršena nad posebno zaštićenim objektima (pasivnim subjektima), koji se javljaju u osobama određenih funkcionera, tamo su i kazne znatno oštire pa se nekada po vrsti, a nekada ni po vrsti ni po mjeri ne mogu uporedivati s kaznama

111) Kao: za djelo zadavanja udarca kapetanu sa okrvavljenjem (za koje je djelo propisana i tjelesna kazna odsijecanja desne ruke sa vječnim progonom iz Riječke i njenog distrikta) i za djelo zadavanja udarca vikariju sa okrvavljenjem (za koje djelo je, pored novčane kazne, propisana i tjelesna kazna od šest udarac konopom).

112) Mošć. zak.: Regula, i Zapovedi..., tač. 7, str. 20.
U današnjem jeziku ovaj fragment bi glasio: »... I kada je neko udaren do krvi, ima izvršilac (zlodjelnik) biti kažnen sa libara 25...«

113) Intenzitet udarca također je bez značaja sve dok se kao posljedica javlja samo »okrvavljenje«. No ako bi taj udarac bio smrtonosan, tada se više ne bi radilo o ovom deliktu već o kriminalnom djelu teške tjelesne povrede kvalificirane smrću, o kojoj je ranije bilo riječi pod »1e.

114) Intenzitet krvarenja također je bez značaja sve dole dok ne bi ugrozio život napadnutog lica i izazvao njegovu smrt, u kom slučaju bi se smatralo da je »rana smrtna« pa se tada više ne bi radilo o ovom djelu nego o djelu teške tjelesne povrede kvalificirane smrću (vidi ranije pod »1e.«).

115) To bi bila uglavnom slijedeća djela:
Po propisima Kastavskog statuta: zadavanje udarca ili posjekotine (kapitol 9. Kastavskog statuta); po propisima Veprijačkog statuta: udaranje do krvi (tačka 14. Veprijačkog statuta); po propisima Trsatskog statuta: bijenje, tučenje i ozljeda sa okrvavljenjem (tač. 17. Trsatskog statuta); po propisima Riječkog statuta: neki delicti iz rub. 8-lib. III.

116) Vidi npr. djelo »zadavanje udarca ili posjekotine iz kap. 9 Kastavskog statuta za koje je propisana novčana kazna od 25 libara (baš kao i za djelo »zadavanje udarca s okrvavljenjem« po propisima Mošćeničkog statuta).«

za istovrsna djela izvršena nad običnim ljudima.¹¹⁷⁾ Inače, postoje znatne razlike i po pitanju naknade štete pričinjene dotičnim krivičnim djelom¹¹⁸⁾, pri čemu neki statuti nalažu okrivljenom čak i naknadu izmakle dobiti oštećenom licu (slučaj kod Trsatskog statuta.)

4. Zadavanje udarca s modricom

Propis Mošćeničkog statuta koji se odnosi na ovo djelo¹¹⁹⁾ glasi:

»Isto letto, ki bi udril kega, dasse pozna cergnienka, pada penu libar 8 i spendie, od ke peni pol gre Gospode, a pol komunu.«¹²⁰⁾

Pored ovog starog teksta treba imati na umu i kasniji dodatak (dopunu), koji glasi: »Da ako bi ki ragnen, da one rani se imagiu stimat, a ne samo castigat na penu L 8: kako su peruo dellalli supani...«¹²¹⁾

U pogledu subjekta i objekta kod ovog krivičnog djela vrijedi sve što je već rečeno kod prethodnog djela. Radnja izvršenja sastoji se u zadavanju udarca, pri čemu je bez značaja na kom dijelu tijela je udarac zadan, na koji način i čime,¹²²⁾ kao i kojeg je intenziteta udarac bio, ali uvijek pod uvjetom da je udarcem nanešena modrica na udarenom mjestu. Izbijanje modrice mora biti u direktnoj uzročnoj vezi s udarcem u pitanju. Kazna je apsolutno određena po vrsti i mjeri (osam libara novčane kazne), javno-pravne je prirode i dijeli se napola između općine i gospođe. Iz propisa proizlazi i obaveza okrivljenika da naknadi troškove (»... i spendie...«) oštećenom licu. Na prvi pogled reklo bi se da se ne može jasno razabrati da li se tu radi samo o troškovima liječenja, o troškovima sudskog postupka ili pak i o jednima i drugima. Ipak iz jedne odredbe Statuta koja potiče iz 1552. godine jasno proizilazi da se pod terminom »spendie« podrazumijevaju samo troškovi postupka.¹²³⁾

Iz kasnije dopune ovog propisa vidi se da se imalo voditi računa o vrsti i težini povrede, pri čemu se to ima i zvanično utvrditi i procijeniti.

117) Posebno u ovom pogledu ukazujemo na odgovarajuća djela iz rub. 15-lib. III Riječkog statuta, kao što su: zadavanje udarca kapetanu s malim krvarenjem (kazna: odsijecanje desne ruke i vječni izgon iz Rijeke), zadavanje udarca vikariju s krvarenjem (kazna: 150 libara novčane kazne i šest udaraca konopom), zadavnje udarca sucima ili sindicima s krvarenjem (kazna: 100 libara novčane kazne i vječni izgon iz vijeća, ako je član vijeća, a ako nije član vijeća: batinjanje, a u slučaju da nema novaca da platiti novčanu kaznu: batinjanje i vječni izgon iz Rijeke).

118) Uporditi u ovom pogledu na primjer djela: zadavanje udarca ili posjekotine — iz kap. 9. Kastavskog statuta (»... ako bi likarie potribo posećenomu, i za stanje vrimena, plaća ki udrí ali poseće«); bijenje, tučenje i ozljeda s okrvavljenjem — iz tač. 17. Trsatskog statuta (»... i da ima pravda sesti i suditi za rane i njega likarie, platiti škodu i dangubu, ča bi mogal dobiti«).

119) Ovaj propis potiče iz 1510. godine.

120) Strana 5. Mošć. zak.

Na današnjem jeziku ovaj bi propis glasio:

»Iste godine, ko bi udario nekoga tako da se vidj modrica, podpada pod kaznu od osam libara i troškove, od koje kazne pola ide gospodi, a pola općini.«

121) Str. 20 Mošć. zakona: Regula, i Zapouedi ..., tač. 7. — Ove odredbe su svakako znatno kasnije od onih prvih, koje potiču iz 1510. godine, ali u originalu Statuta nema nikakve bilješke iz koje bi se moglo zaključiti iz koje godine potiču »Regula, i Zapouedi ...«. U današnjem jeziku ovaj propis bi glasio:

»Ako je neko ranjen, da se one rane imaju procijeniti, a ne samo kazniti kaznom od osam libara, kako su ranije radili župani...«.

122) Udarac samo ne smije biti zadat kamenom, jer se tada ne bi radilo o ovom krivičnom djelu već o djelu »nanošenja rane udarcem kamenom«, o kojem će kasnije biti riječ pod »5«.

123) Dotična odredba o troškovima postupka iz 1552. godine glasi doslovno:

»Na 16 Genara. Gospodin Iuan Chanzo, pitalgje kakou gie obicaj kadasse dua praudaju, ki ima platiti spendie, ki su rekli, i prisegli, da ni uzanza plachiat spendij, dokle ni sententia

niti. Ipak iz stilizacije ove dopune nije sasvim jasno što se time htjelo postići, naime: da li je procjena vrste i težine rane imala značaja u pravcu odmjeravanja materijalne odštete napadnutom licu (novčana naknada za dobijenu ranu) ili je pak vrsta i težina rane mogla uticati na vrstu ili mjeru kazne koja se u konkretnom slučaju izriče izvršiocu.¹²⁴⁾

Sličnosti između ovog krivičnog djela i onih odgovarajućih ili približno najsličnijih po propisima statuta susjednih gradova i općina javljaju se kako u najglavnijim elementima bića, tako i u vrsti kazni kojima su ovi delikti zaprijećeni (uvijek novčana kazna), a razlike ponekad i u nekim elementima bića (ili posebnim finesama), a ponekad samo u mjeri iste vrste kazne.

5. Nanošenje rane udarcem kamenom

Odredba koja se odnosi na ovo krivično djelo potiče, kao dio običajnog prava, iz ranijeg perioda, ali je kao pravni propis ubilježena 13. marta 1510. godine. Ova odredba glasi:

»Na 13. Marza Gospodin Tomaso skupa supanom Antonom Rubiničiem, i s drugimi Postouanemi Starci su nasli ua starem zakone, ako bi ki uuakega hitjl s kamikom, ter da biga ranil pada penu od L 50: od ke peni gre polouizzu Gospode s polouizzu suppanom. A onemu, ki bi udren, da gie obligan platit sue spendie, skodi, i manchamenti on ki udri«.¹²⁵⁾

U pogledu objekta i subjekta kod ovog krivičnog djela vrijedi sve ono što je već rečeno i kod prethodnih dvaju delikata. Iz prirode samog djela proističe da je potreban umišljaj. Radnja izvršenja sastoji se u bacanju kamena na neku osobu, a posljedica se sastoji u ranjavanju dotične osobe, s tim što ovo ranjavanje mora biti u direktnoj uzročnoj ve-

ucignena, i to pod supanom Mattegiem Sencichiem, i ouj punat gie potuerdil receni Vice Capitan, ki gie imel punu oblast, i Autoritat od Gospodina Giacona Raunighara Capitana Reskoga, i to gie pißsal Anton Rubinich«. (Str. 10 Mošć. zakona).

Jedna odredba od 6. aprila 1639. godine govori upravo o određivanju paušala vijećnicima za uređovanje u krivičnim stvarima. Ova odredba glasi:

»Buduchi unogo Suetli, i unoga Castni Gospodin Otaz Francesco Rectur Castnoga Collegia Rescoga razumelli, i uidelli, da Postouani Starzi od ouoga Mesta, da kadasse prigodi ki kriminal, da sui se za due libre moragiu spraut, ua suet, ki uiudechi, da to gie mallo, odlučigie sgora imenovani Gospodin Otaz Rectur skupa suemi Staregiemi, da od sada na pred suakom suetnichu bude hodilla giedna libra, od onega, kisse kruiaç najde. Quo be uccignieno od Suetle Gospode, i Martinom Diminichiem Capitanom Capitanie Castauske« (Str. 14—15 Mošć. zak.).

124) Prva pretpostavka čini nam se mnogo vjerojatnijom i to iz slijedećih razloga:
a) Da je vrsta i težina rane kod ovog delikta mogla da utiče na promjenu ranije propisane vrste i mjeru kazne to bi moralno biti razvidno iz ove kasnije dopune. Naprotiv, iz stilizacije njenе proizlazilo bi da se njome, osim osuđivanja na kaznu od osam libara, htjelo još nešto dodati na teret okrivljenika, a na korist napadnutog lica u pravcu obeštećenja, a što je zavisilo upravo od ove »stime«.

b) U narodu je u ovim krajevinama kao i inače u jadranskom obalnom pojasu bilo uobičajeno (a negdje je to i danas) da se pod pojmom »stimavanja« podrazumijeva upravo procjena štete (ovaj termin je upotrebljavan naročito kod poljskih šteta; stimaduri = procjenitelji šteta).

125) Str. 6 Mošć. zak.

U današnjem jeziku ovaj tekst bi glasio:

»Na 13. marta gospodin Tomazo, zajedno s županom Antonom Rubinićem i s drugim poštovanim starcima, našli su u starim zakonima, ako bi se netko na koga bacio kamenom i ranio ga, potpada kazni od pedeset libara, od koje kazne polovica ide gospodi, a polovica županu. A onome ko je udaren, da je obavezan onaj koji udari platiti sve sudske troškove (tj. troškove postupka), štete i nedostatke (propuste)«.

zi sa već spomenutom radnjom izvršenja (bacanje kamena na dotičnu osobu). Vrsta i težina rane irelevantna je osim u slučaju ako bi se radilo o smrtnoj rani.^q U tom pak slučaju ne bi se više radilo o ovom krivičnom djelu već o deliktu teške tjelesne povrede kvalificirane smrću (o kojemu je već ranije bilo riječi). Kazna je apsolutno određena i po vrsti i po mjeri — radi se o novčanoj kazni od 50 libara ukupno, ali od koje polovica (25 libara) pripada gospodi, a druga polovica županu.¹²⁶⁾ Okrivljeni je bio dužan naknaditi povrijeđenoj osobi sve troškove sudskog postupka, kao i ostale štete. Pored toga okrivljeni je imao da naknadi oštećenom i »mangkanenti« (kako doslovce kaže ova statutarna odredba). Nesumnjivo je da ova riječ dolazi od talijanske riječi »mancamento« (nedostatak, krivnja), ali je teško pouzdano reći što je ovaj izraz na ovom mjesetu i u ovom i ovakvom kontekstu imao zapravo tačno značiti. Prije toga se u propisu kaže da je okrivljeni dužan da naknadi oštećenom sve »spendie« — a to su, kako smo ranije vidjeli, troškovi postupka. Nadalje je dužan prema slovu propisa naknaditi oštećenom sve »skodi« — koji izraz razumijemo kao »nastale štete« u užem smislu (neposredna šteta). Pošto se u propisu odmah iza toga nadovezuje i okrivljenikove obaveze da naknadi oštećenom i »mangkanenti« mislimo da nećemo pogriješiti ako ovaj izraz (u ovom kontekstu) shvatimo kao »izmaklu dobit« (što bi također spadalo u štetu, ali u širem smislu — posredna šteta). U ovakvom nas zaključku utvrđuje do jedne mjere i okolnost što institut naknade izmakle dobiti, koja se ostvaruje u krivičnom postupku, nije bio nepoznat u starohrvatskom krivičnom pravu. Naprotiv, poznavao ga je i Kastavski statut i to baš kod krivičnog djela zadavanja udarca ili posjekotine (kap. 9 Kastavskog statuta), pa ne bi nimalo bilo čudno da su gledišta Kastavskog i Mošćeničkog statuta po ovom pitanju bila identična.

RÉSUMÉ

Les délits contre la vie et le corps, éclairés par le Code de Vinodol et les Statuts de Kastav, de Vinodol, de Trsat et de Mošćenice

Après un préliminaire sur le Code de Vinodol et les Statuts de Kastav, de Vinodol, de Trsat et de Mošćenice, l'auteur fait une récapitulation systematique des délits contre la vie et le corps, éclairés par le règlements des dits statuts anciens, avec un aperçu historique sur l'ancien droit pénal croate. Tout en expliquant les ressemblances et les différences entre eux, et entre le code pénal du temps du Moyen âge de la ville de Rijeka, il commente les circonstances qui avaient causé ces ressemblances et différences dans le développement historique du droit pénal de cette région.

126) Napomenut ćemo uzgredno da su se novčane kazne naplaćivale (pa bilo na redovan način ili ovrhom) uvijek u ukupnom iznosu, a nakon toga se ovaj iznos dijelio prema određbi koja se odnosi na delikt u pitanju. O tome izričito govori jedna statutarna odredba koja glasi: »Da peni imagiussc terrat skupa koliko Gospiske, toliko communiske, alle supanske, i dasse nimagiу delilit, dokle nebude sue sterene, i da imasse ontrat dat kemu gre za po Zakonu« (str. 20 Mošć. zak.: Regula, i Zapovedi supanom, suciem, i kmotrom od Moschieniz ki su, i ki budu, tač. 6.).

<http://library.foi.hr>